

宋書
十四



リ 8
1735
100



1735
100



宋書卷六十七

列傳第二十七

謝靈運

謝靈運陳郡陽夏人也祖玄晉車騎將軍父瑗生而不慧為祕書郎早亡靈運幼便穎悟玄甚異之謂親知曰我乃生瑗瑗那得生靈運靈運少好學博覽群書文章之美江左莫逮從叔混特知愛之襲封康樂公食邑二千戶以國公例除員外散騎侍郎不就為琅邪王大司馬行參軍性奢豪車服鮮麗衣裳器物多改舊制世共宗之咸稱謝康樂也撫軍將軍劉毅鎮姑孰以為記室參軍毅鎮江陵又以為衛軍從事中郎毅伏誅高祖版為太尉參軍入為祕書丞坐事免高祖伐長安驃騎將軍道憐居守版為諮議參軍轉中書侍郎又為世子中軍咨議黃門侍郎奉使慰勞高祖於彭



此係明治
八月八日
神田同
山田一
所購以贈



聖川也鳳圖
氏書回南甫

城作撰征賦其序曰蓋聞昏明殊位貞晦異道雖景度回革亂多治寡是故升平難於恒運剝喪易以橫流皇晉河汾來遷吳楚數歷九世年踰十紀西秦無一援之望東周有三辱之憤可爲積禍纏豐固以久矣况迺陵瑩幽翳情敬莫遂日月推薄帝心彌遠慶靈將升時來不爽相國宋公得一居貞回乾運軸內匡寰表外清遐陬每以區宇未統側席盈慮值天祚攸興昧弱授機龜筮元謀符瑞景徵於是仰祇俯協順天從兆興止戈之師躬暫勞之討以義熙十有二年五月丁酉敬戒九伐申命六軍治兵於京畿次師於汜上靈櫓千艘雷輜萬乘羽騎盈塗飛於蔽日別命群帥誨謨惠策法奇於三略義祕於六韜所以鉤棘未曜殞前禽於金墉威弧始發走鉞隼於滑臺曾不踰月二方獻捷宏功懋德獨絕古今天子感東山之劬勞慶格天之光大明發興於鑒寐使臣遵

於原陞余攝官承之謬充殊役皇華愧於先雅靡監頓於征人以仲冬就行分春反命塗經九守路踰千里沿江亂淮溯薄泗汭詳觀城邑周覽丘墳眷言古迹其懷已多昔皇祖作藩受命淮徐道固苞桑勳由仁積年月多歷市朝已改永爲洪業纏懷清曆於是采訪故老尋履往迹而遠感深慨痛心殞涕遂寫集聞見作賦撰西征俾事運遷謝託此不朽其詞曰系烈山之洪緒承火正之明光立熙載於唐后申譖事於周王疇庸命而順位錫寶珪以徹疆歷尚代而平顯降中葉以繁昌業服道而德徽風行世而化揚投前蹤以永冀省輜質以遠傷睽謀始於著蔡違用舍於行藏庇常善之罔棄憑曲成之不遺昭在幽而偕煦賞彌久而愈私顧晚草之薄弱仰青春之歲蕤引蔓穎於松上擢纖枝於蘭達施隆貸而有渥報涓塵而無期歡太階之休明

穆皇道之緝熙惟王建國辨方定隅內外旣正華夷有殊惟昔小
雅逮於班書戎蠻孔熾是極是誅所以宣王用棘於獫狁高帝方
事於匈奴然侵鎬至涇自塞及平關郊伺鄙
慕攜王之
矯處階喪亂之未寧竊彊秦之三輔陷隆周之兩京雄嶠澠以制
險據繞雷而作扃家永懷於故壤國願言於先瑩俟太平之曠期
屬應運之聖明坤寄通於四瀆乾假照於三辰水潤土以顯比火
炎天而同人惟上相之睿哲當草昧而經綸摠九流以貞觀協五
才而平分時來之機悟先於介石納隍之誠一援於生民龜筮允
臧人鬼同情順天行誅司典詳刑樹牙選徒秉鉞抗旂弧矢罄楚
季之心智戈棘單吳子之精靈迅三翼以魚麗襄兩服以鴈逝陣
未列於都甸威已振於秦薊灑嚴霜於渭城被和風於洛汭就終
古以比猷考墳冊而莫契昔西怨於東徂今北伐而南悲豈朝野

之恒情動萬乘之幽思歌零雨於幽風興採薇於周詩慶金墉之
凱定眷戎車之遷時佇千里而感遠涉弦望而懷期詔微臣以勞
問奉主命於河湄夕飲餞以俶裝且出宿而言辭歲旣晏而繁慮
日將邁而戀乖闕敬恭於桑梓謝履長於庭階冒沈雲之晦藹迎
素雪之紛霏凌結湍而凝清風矜籟以揚哀情在本而易阜物雖
末而難懷眷余勤以就路苦憂來其城頽爾乃經雉門啓浮梁眺
鍾巘越查塘覽永嘉之紊維尋建武之緝綱于時內慢神器外侮
戎狄君子橫流庶萌分析主晉有祀福祿來格明兩降覽三七辭
厄元誕德以膺緯肇回光於陽宅明思服於下武興繼代以消逆
簡文思以秉道故恩用而刑廢孝武捨已以杖賢亦寧外而治內
觀日化而就損庶雍熙之可對閔隆安之致寇傷龜玉之毀碎漏
妖凶於滄洲纏疊難而盈紀時焉依於晉鄭國有蹶於百里賴英

謨之經營弘兼濟以忘已主寰內而緩虞澄海外以漬滓至如昏
侵蔽景鼎祚傾基黍離有歎鴻鴈無期瞻天命之貞符秉順動而
履機率駿民之思効普邦國而同歸盪積霾之穢氛啓披陰之光
暉反平陵之杳藹復七廟之依稀務役簡而農勸每勞賞而忠甄
變時雍於祖宗
掃逋醜於漢渚滌僭逆於岷山羈
巢處於西木引臯飲於源淵惠要褊而思躉援冠弁而來處視治
城而北屬懷文獻之收揚匪元首之康哉孰股肱之惟良譬觀曲
而識節似綴組以成章業彌纏而彌微事愈有而莫傷次石頭之
雙岸究孫氏之初基幸漢庶之漏網憑江介以抗維初鵲起於富
春果鯨躍於川湄匝三世而國盛歷五僞而宗夷察成敗之相仍
猶脣亡而齒寒載十二而謂紀豈蜀滅而吳安衆咸昧於謀兆羊
獨悟於理端請廣武以誨情樹襄陽以作藩拾建業其如遺汭萬

里而誰難疾魯荒之諛辭惡京陵之譖言責當朝之憚貶對曩籍
而興歎敦怙寵而判違敵既勅而國圯彼問鼎而何階必先賊於
君子原性分之異託雖殊塗而歸美或卷舒以愚智或治亂其如
矢謝昧迹而託規卒安身以全里周顯節而犯逆抱正情而喪已
薄四望而尤眇歎王路之中鯁蠶于越之妖燼敢凌蹈於五嶺崩
雙嶽於中流擬凶威於荆郢隱雷霆於帝坐飛芒鋌於宮省于時
朝有遷都之議人無守死之志師旅痛於久勤城墉闕於素備安
危勢在不侔衆寡形於見事於赫淵謀研其神策緩轡待機追奔
躡迹遇雷池而振曜次彭蠡而殲滌穆京甸以清晏撤多壘而寧
役造白石之祠壇懟二豎之無君踐掖庭以幽辱凌祧社而火焚
愍文康之罪已嘉忠武之立勳道有屈於災蝕功無謝於如仁訊
落星之饗旅索舊棲於吳餘迹階祀而不見橫榛卉以荒除彼生

成之樂辰亦猶今之在余慨齊吟於爽鳩悲唐歌於山樞弔僞孫
於徐首率君臣以奉疆時運師以伐罪偏投書於武王迄西北之
落紐乏東南以振綱誠鉅平之先覺實中興之後祥據左史之攸
徵胡影迹之可量過江乘而責始知遇雄之無謀厭紫微之宏凱
甘陵波而遠遊越雲夢而南泝臨浙河而東浮穀連弩於川上候
蛟龍於中流爰薄方輿迺屆歐陽入夫江都之域次乎廣陵之鄉
易千里之曼曼泝江流之湯湯洊赤圻以經復越二門而起漲眷
北路以興思看東山而怡目林叢薄路透迤石參差山盤曲水激
瀨而駿奔日映石而知旭審兼照之無偏怨歸流之難濯美輕紛
之涵泳觀翔鷗之落啄在飛沈其順從顧微躬而緬邈於是抑懷
蕩慮揚權易難利涉以吉天險以艱于敵伊阻在國斯便勾踐行
霸於琅邪夫差爭長於黃川葛相發歎而思正曹后愧心於干魂

登高堞以詳覽知吳淠之盛戒東南之逆氣成劉后之賦聖藉
鹽鐵之殷阜臨淮楚之剽賊盛几杖而弭心怒抵局而遂爭忿爰
盜之扶禍惜徒傷於家令匪條侯之忠毅將七國之陵正褒漢藩
之治民竝訪賢以招明侯文辨其誰在曰鄒陽與枚生據忠辭於
吳朝執義說於梁庭敷高才於免國雖正言而免刑闕里旣已千
載深儒流於末學欽仲舒之晬容遵縫掖於前躅對園囿而不闕
下帷幙而論屬相端非之兩騎遭弘偃之雙慝恨有道之無時步
險塗以側足聞宣武之大閱及師旅於此塵自皇運之東都始昌
業以濟難抗素旄於秦嶺揚朱旗於巴川懼帝系之墜緒故黜昏
而崇賢嘉收功以垂世嗟在嗣而覆旃德非陟而繼宰豐踰禹其
必顛造步兵而長想欽太傅之遺武思嘉遁之餘風紹素履之落
緒民志應而願稅國屯難而思撫譬乘舟之待楫象提釣之假縷

總出入於和就兼仁用於默語弘九流以擦四維復先陵而清舊
宇却西州之成功指東山之歸予惜圖南之啓運恨鵬翼之未舉
發津潭而迥邁逗白馬以憇舫貫射陽而望邗溝濟通淮而薄甬
城城坡陁兮淮驚波平原遠兮交路過面芄野兮悲橋梓遡急流
兮苦積沙負千里而無山緬百谷而有居被宿莽以迷徑覩生烟
而知墟

謂信美其可娛身少長於樂土實長歎於荒餘
具瘁值歲寒之窮節視層雲之崔巍聆悲飈之掩屑彌晝
夜以滯淫怨凝陰之方結望新晴於落日明光於躋月眷轉蓬
之辭根悼朔鴈之赴越披微物而疚情此思心其可說問徭役其
幾時駭閱景於興沒感曰歸於采薇予來思於雨雪豈初征之懼
對冀鶴鳴之在埵

踰宿鷺吾楫於邳鄉奚車正以事夏
虺左相以輔湯綿三代而享邑厠踐土之一匡嗟仲幾之寵侮遂

捨存以徵亡喜薛宰之善對美士彌之能綱升曲垣之逶迤訪淮
陰之所都原入跨之達恥俟遭時以遠圖捨西楚以擇木迨南漢
以定謨亂孟津而魏滅攀井陘而趙徂播靈威於齊橫振餘猛於
龍且觀讓通而告豨曷始智而終愚迄沂上而停柩登高圯而不
進石幽期而知賢張揣景而示信本文成之素心要王子於雲仞
豈無累於清霄直有槩於真吝始熙績於武關卒敷功於皇胤處
夷險以解挫弘憂虞以時順矜若華之翳晷哀飛驂之落駿傷粒
食而興念眷逸翮而思振戾臣山而東顧美相公之前代嗟殘虜
之將糜熾餘焱於海濟驅鮎稚於淮曲暴鰥孤於泗溼託未命
雲冀靈武之北閔惟授首之在晨當盛暑而選徒肅嚴威以振
響漸溫澤而沾腴旣雲撤於朐城遂席卷於齊都曩四關其奚阻
道一變而是乎傷炎季之崩弛長逆布以滔天假父子以詐愛借

兄弟以僞恩相魏武以謫狂宥謨奮於東藩桴未謀於東郭身已
馘於樓門審貢收於前說證所作於舊徐聆四川之浮磬翫夷水
之蠙珠草漸苞於熾壤桐孤榦於嶧隅慨禹迹於尚世惠遺文於
夏書紛征邁之淹留彌懷古於舊章商伯文於故服咸徵名於彭殤
眺靈壁之曾峰投呂縣之迅梁想蹈水之行歌雖齊汨其何傷啓
仲尼之嘉問告性命以依方豈苟然於迂論聆寓言於達莊於是
濫石橋登戲臺策馬釣渚息轡城隅永感四山零淚雙渠怨物華
之推驛慨舟壑之遞遷謂徂歲之悠濶結幽思之方根感皇祖之
徽德爰識沖而量淵降俊明以鏡鑑迴風猷以昭宣道旣底於國
難惠有覃於黎元士頌歌於政教民謠詠於渥恩兼採芑之致美
協漢廣之發言彊虎氏之搗翼瀾雲網於所禁驅黔萌以蘊崇取
園陵而湮沈錫殘落於河西序淪胥於漢陰攻方城而折扁優譙

穎其誰任世闕才而貽亂時得賢而興治救祖考之邦壤在幽人
而枉志體飛書之遠情悟犒師之通識迫明達之高覽契古今而
同事拔淵謨於潛機騁神鋒於雲杪駢斤澤而風靡賊坑谷而鳥
竄中華免夫左衽江表此焉緩帶旣尅黜於肥六又作鎮於彭沛
晏皇塗于國內震天威於河外掃東齊而已寧指西嶠而將泰值
秉均而代謝寔太業之興廢心無忝于樂生事有像於燕惠抱明
哲之不伐奉宏勳而是稅捐七州以爰來歸五湖以投袂屈盛績
於平生申遠期於暮歲訪曩載於宋鄙採陽秋於魯經晉申好於
東吳鄭憑威於南荆故反師於曹門將以塞於夷庾納五叛以長
寇伐三邑以侵彭美西鉏之忠辭快韓厥之奇兵追項王之故臺
迹霸楚之遺端挺宏志於總角奮英勢於弱冠氣蓋天而倒日力
拔山而傾湍始颺起於勾越中電激於衡關與偏慮於攸吝忘卽

易於所難忌陳錦而莫照思反鄉而有歎且夫殺義害嬰而慢豐
疑縹賢不策夫位誰時造理屈而愈閉方怨天而懷悲對駿騅以
發憤傷虞誅於末詞陟亞夫之故營諒謀始之非託遭衰羸之崩
綱值威炎之結絡迄皓首於阜陵猶認覺於然諾視一人於三傑
豈在已之庸弱置豐沛而不舉故自同於俎饗發卞口而游歷迄
西山而弭轡觀終古之幽憤懷元王之冲粹丁戰國之權爭方括
心於道肆學浮丘以就德友三儒以成類潔流始於初源累仁基
於前美撥焚族之休製傳芳素於來祀彊見譽於清虛德致稱於
千里或避寵以辭姻或遺榮而不仕政直言以安身駿絕才以喪
已驅信道之成終表昧世之虧始悟介焉之已差則不俟於終日
既防萌於未著雖念德其何益爾乃孟陬發節雷隱蟄驚散葉萸
柯芳藹飾萌麥萋萋於旄丘柳依依於高城相睢鳩之集河觀鳴

鹿之食苹沂泗遠兮清川急秋冬近兮緒風襲風流蕙兮水增瀾
諦愁衿兮鑑戚顏愁盈根而蘊際戚發條而成端嗟我行之彌日
待征邁而言旋荷慶雲之優渥周雙七於此年陶逸像於京甸違
險難於行川轉歸弦而眷戀望修檣而流漣願關鄴之遄清運華
鑾之凱旋穆淳風於六合溥洪澤於八埏頌賢愚於大小順規矩
於方圓固四民之獲所宜稅稷於萊田苦邯鄲之難步庶行迷之
易痊長守朴以終稔亦拙者之政焉仍除宋國黃門侍郎遷相國
從事中郎世子左衛率坐輒殺門生免官高祖受命降公爵爲侯
食邑五百戶起爲散騎常侍轉太子左衛率靈運爲性褊激多愆
禮度朝廷唯以文義處之不以應實相許自謂才能宜參權要既
不見和常懷憤憤廬陵王義真少好文籍與靈運情款異常少帝
卽位權在大臣靈運構扇異同非毀執政司徒徐羨之等患之出

為永嘉太守郡有各山水靈運素所愛好出守既不得志遂肆意
游遨徧歷諸縣動踰旬朔民間聽訟不復闕懷所至輒為詩詠以
致其意焉在郡一周稱疾去職從弟晦耀弘微等並與書止之不
從靈運父祖竝葬始寧縣并有故宅及墅遂移籍會稽修營別業
傍山帶江盡幽居之美與隱士王弘之孔淳之等縱放為娛有終
焉之志每有一詩至都邑貴賤莫不競寫宿昔之間士庶皆徧遠
近欽慕名動京師作山居賦并自注以言其事曰古巢居穴處曰
巖棲棟宇居山曰山居在林野曰丘園在郊郭曰城傍四者不同
可以理推言心也黃屋實不殊於汾陽即事也山居良有異乎市
廛抱疾就閑順從性情敢率所樂而以作賦揚子雲云詩人之賦
麗以則文體宜兼以成其美今所賦既非京都宮觀遊獵聲色之
盛而敘山野草木水石穀稼之事才乏昔人心放俗外詠於文則

可勉而就之求麗邈以遠矣覽者廢張左之艷辭尋臺皓之深意
去飾取素儻值其心耳意實言表而書不盡遺迹索意託之有賞
其辭曰謝子臥疾山頂覽古人遺書與其意合悠然而笑曰夫道
可重故物為輕理宜存故事斯忘古今不能革質文咸其常合宮
非縉雲之館衢室豈放勛之堂邁深心於鼎湖送高情於汾陽嗟
文成之却粒願追松以遠遊嘉陶朱之鼓棹迺語種以免憂判身
名之有辨權榮素其無留孰如牽犬之路既寡聽鶴之塗何由哉
理以相得為適古人遺書與其意合所以為笑孫權亦謂周瑜公瑾與孤意合夫能重道則輕物
存理則忘事古今質文可謂不同而此處不異縉雲放勛不以天居為所樂古合宮衢室皆非淹
留鼎湖汾陽乃是所居之文成張良却粒棄人間事從赤松子遊陶朱范蠡臨去之際亦語文種
云云謂二賢既權榮素故身各有判也牽犬李斯之歎聽鶴陸機領成都眾大敗後云思聞華亭
鶴唳不可復得
若夫巢穴以風露貽患則大壯以棟宇祛弊宮室以瑤璇致
美則白賁以丘園殊世惟上於巖壑幸兼善而罔滯雖非市朝
而寒暑均也雖是築構而飭朴兩遊易云上古穴居野處後世聖人易之以宮
室上棟下宇以蔽風雨蓋取諸大壯璇室

自是素故曰白賁最是上爻也此堂世異矣謂巖壑道深於丘園昔仲長願言流水高而不為巢穴斯免得寒暑之適雖是築構無妨非朝市云云
山應璩作書却阜洛川勢有偏側地闕周員銅陵之奧卓氏充鈇
槻之端金谷之麗石子致音徽之觀徒形域之蒼蔚惜事異於栖
盤至若鳳叢二臺雲夢青丘漳溲淇園橘林長洲雖千乘之珍苑
孰嘉遜之所遊且山川之未備亦荷議於兼求
仲長子云欲使居有良田廣宅在高山流川之畔溝池自環竹木周布塲園在前果園在後應璩與程文信書云故求道田在關之西南臨洛水北據邙山託崇岫以為宅因茂林以為蔭謂二家山居不得周員之美楊雄蜀都賦云銅陵衍卓王孫採山鑄銅故漢書貨殖傳云卓氏之臨邛公擅山川楊雄方言梁益之間裁木為器曰鈇裂帛為衣曰槻金谷石季倫之別廬在河南界有山川林木池沼水確其鎮下邳時過遊賦詩一代盛集謂三地雖珍麗然制作非柄盤之意也鳳臺秦穆公時秦女所居以致蕭史叢臺趙之崇館張衡謂趙築叢臺于前楚建章華于後楚之雲夢大中之居長飲賦楚靈王遊雲夢之中息於荆臺之上前方淮之水左洞庭之波右顧彭蠡之濤南望巫山之阿遂造章華之臺亦見諸史淮南青丘齊之海外皆獵所司馬相如云秋田于青丘傍徨乎海外章澤史起為魏文侯所起既水之所淇園衛之竹園在淇水之澳詩人所載橘林蜀之園林楊子雲蜀都賦亦云橘林左太冲謂戶有橘柚之園長洲吳之苑囿左亦謂長洲之茂苑因江海洲渚以為苑囿此園之珍靜手乘讌嬉之所非想止覽明達之撫運乘機緘而理默指歲暮而歸休詠宏徽於刊勒狹三閭之喪江矜望諸之去國選自然

之神麗盡高棲之意得

余祖車騎建大功淮肥江左得免橫流之禍後及太傅既薨建達之心故選神麗之所以申高圖已輟於是便求解駕東歸以避君側之亂廢與隱顯當是賢棲之意經始山川實基於此

息保自事以乘閑愧班生之夙悟慙尚子之晚研年與疾而偕來

志乘拙而俱旋謝平生於知遊捷清曠於山川

謂經始此山遺訓於後也性情各有所便山居是其宜也易云向晦入宴息莊周云自事其心此二其所處班嗣本不深世故曰夙悟尚平未能去累故曰晚研想遲二人更以年衰疾至志寡求拙曰事并可山居曰與知遊別故曰謝平生就山川故曰

其居也左湖右江往渚還汀面山背阜東阻西傾抱含吸吐

款跨紆縈縣聯邪亘側直齊平

枚乘曰左江右湖其樂無有此吳容說楚公子之詞當謂江都之野彼雖有江湖而乏山巖此憶江湖左右與之同而山嶽形勢池城所無也往渚還汀謂四面有水面山背阜亦謂東西有山是四水之裡也抱含吐吸謂中央復有川款跨紆縈謂邊背相連帶迂回處謂之邪亘平正處謂之側直

近東則上田下湖西豁南谷石塚石滂閔硯黃竹決飛泉於百

仞森高薄於于麓寫長源於遠江派深恣於近瀆

上田在下湖之水口各為田口下湖在田之下

下處並有名山川西豁南谷分流谷鄣水畎入田口西豁水出寧縣西谷鄣是近山之最高峰者西豁便是之背入西豁之裡得石溪以石為阻故謂為塚石滂在西豁之東從縣南入九里兩面峻峭數十丈水自上飛下比至外豁封壘十數里皆飛流迅激左右巖壁綠竹閔硯在石滂之東豁透迤下注良田黃竹與其連南界莆中也
近南則會以雙

流縈以三洲表裡回游離合山川嶮崩飛於東峭繁傍薄於西阡
拂青林而激波揮白沙而生漣雙流謂刻江及小江此二水同會于山南便合流注下三洲在二水之口排沙積成此洲漲表裡合是其見狀也嶮者謂回江岑在其山居之南界有石跳出將崩江中行者莫不駭慄繁者是縣故治之所在江之近西則楊賓

接峰唐皇連縱室壁帶谿曾孤臨江竹緣浦以被綠石照澗而映
紅月隱山而成陰木鳴柯以起風楊中元實並小江之近處與山相接也唐皇便在楊中之下壁高四丈赤故曰照澗而映紅曾山之西孤山水南王子所經始並臨江皆被以綠竹山高月隱便謂為陰鳥集柯鳴便謂為風也近北則二巫

結湖兩智通沼橫石判盡休周分表引修隄之透迤吐泉流之浩
漾山巖下而回澤瀨石上而開道大小巫湖中隔一山外智周回在西圻北邊浦處所猶在兩智皆長溪外智出山之後四五里許裡智亦隔一山出新塚橫山野舍之北而常石野舍之西北巫湖舊唐故曰修隄長谿甚遠故曰泉流常石巖故曰下巖而回澤裡智

明五奧二菁表神異於緯牒驗感應於慶靈凌石橋之莓苔越楸
谿之紆縈天台桐柏七縣餘地南帶海二韭四明五奧皆相連接奇地所無高于五嶽便是谿海中三山之流非以萊為名四明方石四面自然開窻也五奧者墨濟道人蔡氏

回迷不知其所適上嶽崎而蒙籠下深沈而澆激棲雞在保口之上別浦之裡松箴在雞棲之上緣江唐嶽入太平水路上有瀑布數百丈漫石在唐嶽下都景與經始精舍亦是名山之流崒嶽與分界去山八十里故曰遠南前嶺鳥道正當五十里高左右所無就下地形高乃當不稱遠望龍山甚奇謂白樂尖者最高下有良田王敬弘經始精舍墨濟道人住孟山名曰孟埭芋署之嶽田清溪秀竹迴開巨石有趣之極此中多諸浦澗傍依茂林迷不知所通嶽崎深沈處處皆然不但一處遠西則

遠北則長江永歸巨海延納峴漲緬曠島嶼稠沓山縱橫以布護
水迴沈而縈滉信荒極之綿眇究風波之聯合江從山北流窮上虞嶽謂謂海為百谷王以其善處下也海人謂孤山為峴薄洲有山謂之島嶼即洲也漲者沙始起將欲成嶼縱橫無當于一處迴沈相縈擾也大荒東極故為荒極風波不恒為聯合也徒觀

其南術之生巖成衍岸測深相渚知淺洪濤滿
則曾石沒清瀾減則沈沙顯及風興濤作水勢奔壯于歲春秋在

郗氏謝氏陳氏各有一奧皆相倚角並是奇地三菁太平之北太平天台之始方石直上萬丈下
有長谿亦是縈雲之流云此諸山並見圖緯神仙所居往來要徑石橋過插谿人跡之艱不復過

也遠南則松箴棲雞唐嶽漫石崒嶽對嶺龍孟分隔入極浦而遭

回迷不知其所適上嶽崎而蒙籠下深沈而澆激

之裡松箴在雞棲之上緣江唐嶽入太平水路上有瀑布數百丈漫石在唐嶽下都景與經始精

舍亦是名山之流崒嶽與分界去山八十里故曰遠南前嶺鳥道正當五十里高左右所無就下

地形高乃當不稱遠望龍山甚奇謂白樂尖者最高下有良田王敬弘經始精舍墨濟道人住孟

山名曰孟埭芋署之嶽田清溪秀竹迴開巨石有趣之極此中多諸浦澗傍依茂林迷不知所通

嶽崎深沈處處皆然不但一處

遠西則

月朔望湯湯驚波滔滔駭浪電激雷崩飛流灑淙凌絕壁而起岑
橫中流而連薄始迅轉而騰天終倒底而見壑此楚貳心醉於吳
客河靈懷慙於海若南術是其臨江舊宅門前對江三轉曾山路窮四江對峙西面常石此二山之間西南角岬孤山此二山皆是狹處故曰生巖勇門以南上便大閘故曰成衍岸高測深者下知淺也江中有孤石沈沙隨水增減春秋朔望是其盛時故枚乘云楚太子有疾吳客問之舉秋濤之美得以瘳病太子國之儲貳故曰楚貳河靈河伯居河所謂河靈懼於海若事見莊周秋水篇爾其舊居曩宅今園粉權尚援基井具存曲

術周乎前後直陌蠹其東西豈伊臨谿而傍沼迺抱阜而帶山考
封域之靈異實茲境之最然茸駢梁於巖麓棲孤棟於江源敞南
戶以對遠嶺關東窻以矚近田田連岡而盈疇嶺枕水而通阡草在宅裡山之東麓東窻矚田兼見江山之美三閘故謂之駢梁門前一棟枕巖上存江之嶺南對江上遠嶺此二館屬望始無優劣也阡陌縱橫塍埒交
經導渠引流脈散溝并蔚蔚豐秋苾苾香秔送夏蚤秀迎秋晚成
兼有陵陸麻麥粟菽候時規節遞甄遞孰供粒食與飲謝工商與
衡牧生何待於多資理取足於滿腹許由云偃鼠飲河不過滿腹謂人生食足則歡有餘何待多須邪工商衡牧似多須

者若少私寡欲充命則足但非田無以立耳自園之田自田之湖泛濫川上緬邈水區濬潭澗

而窈窕除菰洲之紆餘恣溫泉於春流馳寒波而秋徂風生浪於
蘭渚日倒景於椒塗飛漸榭於中沚取水月之歡娛旦延陰而物

清夕棲芬而氣敷顧情交之永絕覲雲客之暫如此皆湖中之美但患言不盡意萬不寫一耳諸澗出源入湖故曰濬潭澗澗長是以水草則萍藻蒹葭菴蒲芹蓀兼菰蘋蘩蒹

苕菱蓮雖備物之偕美獨扶渠之華鮮播綠葉之鬱茂含紅敷之
續翻怨清香之難留矜盛容之易闌必充給而後舉豈蕙艸之空

殘卷破弦之逸曲感江南之哀歎秦箏倡而溯游往唐上奏而舊
愛還寒出離騷破弦是采菱歌江南是和曲云江南采蓮秦箏倡兼茄篇唐上奏蒲生詩皆感物致賦魚藻蘋蘩苕亦有詩人之詠不復具敘本草所載山

澤不一靄桐是別和緩是悉叁核六根五華九實二冬竝稱而殊
性三建異形而同出水香送秋而擢蓓林蘭近雪而揚猗卷柏萬

代而不殞茯苓千歲而方知映紅葩於綠蒂茂素蕤於紫枝既佳

哉海鳥爰居賦文仲不知其鳥以為神也事見左傳胡禽鴈也寒月轉往衡陽禮記霜始降鴈來賓歲莫云鴈北向政是陽初生時美生歸北霜降客南山難映水自說其羽儀者
山上則後獬豸獲犴復猓盪山下則熊羆豺虎獐鹿麋麀擲飛枝於窮崖踔空絕於深硎躡谷底而長嘯攀木杪而哀鳴後音表獬音理音力之反權音火九反犴音立思反復音似權而長狼之屬一曰獬豸音安黠反極音弋生反理之黃黑者一曰以份豺音在皆反獬音元野羊大角麋音鬼玳反麋音京能踔躡虎長嘯後哀鳴鳴聲可翫緡綸不投置羅不披磻弋靡用蹄筌誰施鑑虎狼之有仁傷遂欲之無崖顧弱齡而涉道悟好生之咸宜率所由以及物諒不遠之在斯撫鷗鰕而悅豫杜機心於林地八種皆是魚獵之具自少不殺至于自首故在山中而此款永廢莊周云虎狼仁獸豈不父子相親世云虎狼暴虐者政以其如禽獸而人物不自悟其毒害而言虎狼可疾之甚苟其遂欲豈復崖限自弱齡奉法故得免殺生之事苟此悟萬物好生之理易云不遠復無祇悔庶乘此得以入道莊周云海人有機心鷗鳥舞而不下今無害彼之心各說豫于林地也敬承聖誥恭窺前經山野昭曠聚落羶腥故大慈之弘誓拯群物之淪傾豈寓地而空言必有貧以善成欽鹿野之華苑羨靈鷲之名山企堅固之貞林希菴羅之芳圓雖粹容之緬邈謂哀音之恒存建招提於幽峰冀振錫之息肩庶登王之

之贈席想香積之惠餐事在而思通理匪絕而可溫

賈誼平屈云恭承嘉惠敬承亦此之

流聚落是墟邑謂歌哭諍訟有諸誼諱不及山野為僧居止也經教欲令在山中皆有成文老子云善貸且善成此道惠物也鹿苑說四真諦處靈鷲山說般若法華處堅固林說泥洹處菴羅園說不思議處今旁林苑園制苑彷彿在昔依然託想雖粹容緬邈哀音若存也招提謂僧不能常住者可持作坐處也所謂息肩登王香積事出維摩經論語云溫故知新理既不絕更宜復溫則可待為已之日用也爰初經略杖策孤征入澗水涉登嶺山行陵頂不息窮泉不停櫛風沐雨犯露乘星研其淺思罄其短規非龜非筮擇良選奇翦榛開逕尋石覓崖四山周回雙流逶迤面南嶺建經臺倚北阜築講堂傍危峯立禪室臨浚流列僧房對百年之高本納萬代之芬芳抱終古之泉源美膏液之清長謝麗塔於郊郭殊世間於城傍欣見素以抱樸果甘露於道場云初經略躬自履行備諸苦辛也罄其淺短無假於龜筮者既不以麗為美所以即安茅茨而已是以謝郊郭而殊城傍然清虛寂寞實是得道之所也苦節之僧明發懷抱事紹人徒心通世表是遊是憩倚石構草寒暑有移至業莫矯觀三世以其夢撫六度以取道乘恬知以寂泊舍和理之窈窕指東山以冥期實西方之

潛兆雖一日以千載猶恨相遇之不早

謂曇降法流二法師也二公辭恩愛棄妻子輕舉入山外緣都絕魚肉不入口

糞掃必在體物見之絕歎而法師處之夷然詩人西發不勝造道者其亦如此往石門瀑布中路高樓之游昔告離之始期生東山沒在西方相遇之欣賞以一日為千載猶恨不早賤

物重已棄世希靈駭彼促年愛是長生冀浮丘之誘接望安期之

招迎甘松桂之苦味夷皮褐以頽形羨蟬蛻之匪日撫雲蜺其若

驚陵名山而屢憇過巖室而披情雖未階於至道且緬絕於世纓

指松菌而興言良未齊於殤彭

此一言敘仙學者雖未及佛道之高然出於世表矣浮丘公是王子喬師安期先生是馬明生師二

師出列仙傳洞直經云今學仙者亦明師以自發悟故不辭苦味頽形也莊周云和以天兒見者崖也數經歷各山遇余巖室披露共情性且獲長生方之松菌殤彭邈然有間也山作

水役不以一牧資待各徒隨節競逐陟嶺刊木除榛伐竹抽笋自

篲擿窮于谷揚勝所拮秋冬蒞獲野有蔓艸獵涉夔莫亦醞山清

介爾景福苦以木成甘以播熟慕樵高林剝芟巖椒掘舊陽崖適

擲陰標晝見攀茅宵見索絢芟菰翦蒲以薦以芟既圯既埏品收

不二其灰咸各有律六月採蜜八月撲栗備物為繁略載靡悉

此一章謂是山

作及水役採拾諸事也然漁獵之事皆不載楊桃也山間謂之木子蒲音覆字出字林詩人云

六月食鬱及蕓獵涉字出爾雅木木酒味甘播播酒味甘並至美兼以療病播治痲核木治痰冷

樵音甚味似菘菜而勝刊木而作之謂之慕芟音及採以為紙若迺南北兩居水通陸

舊音倩採以為潔餅音抄採以為飯採蜜撲栗各隨其月也阻觀風瞻雲方知厥所

兩居謂南北兩處各有居止峒阻絕水道通耳觀風瞻雲然後方知其處所

南山則夾淥二

田周嶺三苑九泉別澗五谷異巘群峰參差出其間連岫復陸成

其坂眾流漑灌以環近諸堤擁抑以接遠遠堤兼陌近流開端凌

阜泛波水往步還還回往匝在渚負蠻呈美表趣胡可勝單杭北

頂以葺館殷南峰以啓軒羅曾崖於戶裏列鏡瀾於窻前因丹霞

以頽楣附碧雲以翠椽視奔星之俯馳顧

之未牽鴟鴻翮翥

而莫及何但鷺雀之翩翮沈泉傍出潺湲於東檐築壁對峙硃確

於西雷修竹葳蕤以翳蒼灌木森沈以蒙茂蘿蔓延以攀援花芬

薰而媚秀日月投光於柯間風露披清於喂岫夏涼寒燠隨時取

適階基回互棹櫺乘隔此焉卜寢翫水弄石適即回眺終歲罔斁

傷美物之遂化怨浮齡之如借眇邈逸於人群長寄心於雲霓

是開創卜居之處也從江樓步路跨越山嶺綿亘田野或升或降當三里許塗路所經見也則喬木茂竹綠映彌阜橫波疎石側道飛流以為寓目之美觀及至所居之處自西山開道迄于東山

二里有餘南悉連嶺登鄧青翠相接雲煙霄路殆無倪際從逕入谷凡有三口方壁西南石門世南池東南皆別載其事緣路初入行于竹逕半路濶以竹湫澗既入東南傍山瀑展轉幽奇異處同美路北東西路因山為鄧正北狹處踐湖為池南山相對皆有崖巖東北枕壑下則清川如鏡傾柯盤石被噴映渚西巖帶林去潭可二十丈許葺基構宇在巖林之中水衛石階開窗對山仰眺曾峰俯鏡濬壑去巖半嶺復有一樓迥望周眺既得遠趣還顧西館對窗戶綠崖下者密竹蒙逕從北直南悉是竹園東西百丈南北百五十五丈北倚近峰南眺遠嶺四山刊翦溪澗交過水石林竹之美巖岫嶢曲之好備盡之矣周回開築此焉居處細趣密翫非可具記故較言大勢耳越山列其表側傍緬為異觀也

因以小湖鄰於其

隈眾流所湊萬泉所回沉濫異形首終肥別有山水路邈緬歸

水逕繚繞回圓瀾瀾平湖泓泓澄淵孤岸竦秀長洲芊綿既瞻既

眺曠矣悠然及其二川合流異源同口赴隘入險俱會山首瀨排

沙以積丘峯倚渚以起阜石傾瀾而稍巖木映波而結藪逕南澹

以橫前轉北崖而掩後隱叢灌故悉晨暮託星宿以知左右

巖澗便是水逕洲島相對皆有趣也山川澗石州岍草木既標異於前章亦列同於後牘

山匪阻而是岵川有清而無濁石傍林而插巖泉協澗而下谷淵

轉渚而散芳岸靡沙而映竹草迎冬而結葩樹凌霜而振綠向陽

則在寒而納煦面陰則當暑而含雪連岡則積嶺以隱嶙舉峰則

群竦以巖嶭浮泉飛流以寫空沈波潛溢於洞穴凡此皆異所而

咸善殊節而俱悅土山載石曰岵山有林曰岵此章謂山川眾美亦不必有故摠敘其最居山之後事亦皆有尋求也春秋有待朝

夕須資既耕以飯亦桑貿衣藝菜當有採藥救頽自外何事順性

靡違法音晨聽放生夕歸研書賞理敷文奏懷凡厥意謂揚較以

揮且列于言誠特此推謂寒待綿續暑待絺綌朝夕食飲設此諸業以待之藥以療疾又在其外事之相推自不得不然至於聽講放生研書敷文皆

其所好韓非有揚較班固亦云揚較古今其義一也左思曰為左右揚較而陳之北山二園南山三苑百果備列乍近

乍遠羅行布株迎早候晚猗蔚溪澗森疎崖巖獻杏壇棗園橘林栗

圃桃李多品梨棗殊所枇杷林檎帶谷映渚榭梅流芬於回巒棹

柿被實於長浦

莊周云漁父見孔子杏壇之上維摩詰經樹園楊雄蜀都賦云橘林左太沖亦云戶有橘柚之園桃李所殖甚多棗梨事出北河濟之間淮穎諸

處故云

吐町所藝含藥藉芳藜戩蓼薺葑菲蘇薑綠葵春節以懷露

殊所也

白薤感時而負霜寒蔥標倩以陵陰春藿吐茗以近陽

山戎得寒蔥廣闡云寒蔥挺園灌疏自供不得外求者也

弱質難恒頽齡易喪撫鬢生悲視顏自傷承清

府之有術冀在衰之可壯尋名山之奇藥越靈波而憇轅採石上

之地黃摘竹下之天門撫曾嶺之細辛拔幽澗之溪蓀訪鍾乳於

洞穴訊丹陽於紅泉

此皆佳年之藥即近山之

安居二時冬夏三月遠僧

有來近眾無闕法鼓即響頌偈清發散華霏蕤流香飛越析曠劫

之微言說像法之遺旨乘此心之一豪濟彼生之萬理啓善趣於

南倡歸清暢於北机非獨愜於予情諒僉感於君子山中兮清寂

群紛紛自絕周聽兮匪多得理兮俱悅寒風兮搔眉面陽兮常熱

炎光兮隆熾對陰兮霜雪惕曾臺兮陟雲根坐澗下兮越風穴在

茲城而諧賞傳古今之不滅

衆僧冬夏二時坐謂之安居輒九十日衆遠近聚奉法

之心可濟彼之生南倡者都講北机者法師山中寂靜實

好生之篤以我而觀懼命

之盡各景之懽分一往之仁心拔萬族之險難招驚魂於始化收

危形於將闌漾水性於江流吸雲物於天端覩騰翰之頽頽視鼓

颺之往還馳騁者儻能狂愈猜害者或可理攀

云物皆好生但以我而觀

懷抱誰質糟粕猶在啓滕剖袞見柱下之經二覩濠上之篇七承

未散之全樸救已頽於道術垂夫六藝以宣聖教九流以判賢徒

國史以載前紀家傳以申世模篇章以陳美刺論難以覈有無兵

技醫日龜筮筮夢之法風角冢宅算數律曆之書或平生之所流

覽竝於今而棄諸驗前識之喪道抱一德而不渝

莊周云輪扁語齊桓公

伊昔齟齬實愛斯文援紙

柏勝者金際之流也柱下老子濠上莊子二七是篇數也

云此二書最有理過此以往皆是聖人之教獨住者所棄

握管會性通神詩以言志賦以敷陳箴銘誄頌咸各有倫爰暨山
棲彌歷年紀幸多暇日自求諸已研精靜慮貞觀厥美懷秋成章
含笑奏理謂少好文章及山棲以來別緣洗關尋慮文詠以盡暇日之適便可得通神會性以永終朝若迺乘攝持之告評養
達之篇畏絕迹之不遠懼行地之多艱均上皇之自昔忌下衰之
在旃投吾心於高人落賓名於聖賢廣滅景於崆峒許遁音於箕
山愚假駒以表谷涓隱巖以塞芳

萊庇蒙以織畚皓棲商而頤志卿寢茂而敷詞

鄭別谷而永逝梁去霸而之會高居唐而

胥宇臺依岬而穴堦咸自得以窮年眇貞思於所遺老子云善攝生者

持生又云養生有無崖達生者不務生之所無奈何絕迹上皇下衰賓名義亦皆出莊周廣成子
峒之上黃帝之師也許由隱于箕山堯以天下讓而不取愚公居于欲阜齊桓公逐鹿入山
人之涓子隱于宕山好餌木告伯陽琴心三篇庚桑偏得老子之道居嶺嶺之山楚狂接輿楚王
聞其賢使使者聘之于是遂游諸名山在蜀峨眉山上徐無鬼巖棲魏侯勞之問先生若山林矣
乃肯見寡人無鬼問君細嗜欲屏好惡則耳目察矣常采茅栗老萊子耕於蒙山之陽著書十五
篇言道家之真織畚為業四皓避秦亂入商洛深山漢祖召不能出司馬長卿高才而處世不樂

預公卿大事

身不及梁伯鸞隱霸陵山中耕識以自娛後復入會稽山臺亭威居武安山下依崖為上室采藥
自給高文通居西暨其窈窕幽深寂漠虛遠事與情乖理與形反既耳

目之靡端豈足跡之所踐蓋終古於三季侯通明於五眼權近慮

以停筆抑淺知而絕簡謂此既非人跡所求史侍三明五通然後可踐太祖登

祚誅徐羨之等徵為祕書監再召不起上使光祿大夫范泰與靈

運書敦獎之乃出就職使整理祕閣書補足闕文以晉氏一代自

始至終竟無一家之史令靈運撰晉書粗立條流書竟不就尋遷

侍中日夕引見賞遇甚厚靈運詩書皆兼獨絕每文竟手自寫之

文帝稱為二寶既自以名輩才能應參時政初被召便以此自許

既至文帝唯以文義見接每侍上宴談實而已王曇首王華殷景

仁等名位素不踰之竝見任遇靈運意不平多稱疾不朝直穿池

植援種竹樹堇驅課公役無復期度出郭游行或一日百六七十

遂與弟子別于山阿終

唐山從容自娛也

里經旬不歸既無表聞又不請急上不欲傷大臣諷旨令自解靈
運乃上表陳疾上賜假東歸將行上書勸伐河北曰自中原喪亂
百有餘年流離寇戎湮沒殊類先帝聰明神武哀濟群生將欲盪
定趙魏大同文軌使久凋反於正化偏俗歸於華風運謝事乖理
違願絕仰德抱悲恨存生盡況陵塋未幾凶虜伺隙預在有識誰
不憤歎而景平執事竝非其才且邁紛京師豈慮託付遂使孤城
窮陷莫肯極忠烈囚朔漠縣河三千翻爲寇有晚遣鎮戍皆先朝
之所開拓一旦淪亡此國恥宜雪被於近事者也又北境自滌逆
虜窮苦備罹徵調賦斂靡有止已所求不獲輒致誅殞身禍家破
闔門比屋此亦仁者所爲傷心者也咸云西虜舍末遠師隴外東
虜乘虛呼可掩襲西軍既反得據關中長圍咸陽還路已絕雖遣
救援停住河東遂乃遠討大城欲爲首尾而西寇深山重阻根本

自固徒棄巢窟未足相拯師老於外國虛於內時來之會莫復過
此觀兵懼威實在茲日若相持未已或生事變忽值新起之衆則
異於今苟乖其時難爲經略雖兵食倍多則萬全無必矣又歷觀
前代類以兼弱爲本古今聖德未之或殊豈不以天時人事理數
相得興亡之度定期居然故古人云旣見天殃又見人災乃可以
謀昔魏氏之疆平定荆冀乃乘袁劉之弱晉氏之盛拓開吳蜀亦
因葛陸之衰此皆前世成事著於史策者也自羌平之後天下亦
謂虜當俱滅長驅滑臺席卷下城奪氣喪魄指日就盡但長安違
律潼關失守用緩天誅假延歲月日來至今十有二載是謂一紀
曩有前言況五胡代數齊世虜期餘命盡於來年自相攻伐兩取
其困下莊之形驗之今役仰望聖澤有若飢渴注心南雲爲日已
久來蘇之冀實歸聖明此而弗乘後則未兆卽日府藏誠無兼儲

然凡造大事待國富兵彊不必乘會於我爲易責在得時器械旣
充衆力粗足方於前後乃當有優常議損益久證冀州口數百萬
有餘田賦之沃著自貢典先才經創基趾猶存澄流引源桑麻蔽
野彊富之實昭然可知爲國長久之計孰若一往之費邪或懲關
西之敗而謂河北難守二境形勢表裡不同關西雜居種類不一
昔在前漢屯軍霸上通火甘泉況乃遠戍之軍值新故交代之際
者乎河北悉是舊戶差無雜人連嶺判阻三關作隘若遊騎長驅
則沙漠風靡若嚴兵守塞則冀方山固昔隴西傷破鼃錯與言匈奴
慢侮賈誼憤歎方於今日皆爲賒矣晉武中主耳值孫皓虐亂
天祚其德亦由鉅平奉策荀賈折謀故能業崇當年區宇一統况
今陛下聰明聖哲天下歸仁文德與武功並震霜威共素風俱舉
協以宰輔賢明諸王美令岳牧宣烈虎臣盈朝而天或遠命亦同

敵不滅矧伊頑虜假日而已哉伏惟深機志務久定神謨臣卑賤
側陋竄景巖穴實仰希太平之道傾覩岱宗之封雖乏相如之筆
庶免史談之憤以此謝病京師萬無恨矣久欲上陳懼在觸置蒙
賜恩假暫違禁省消渴十年常慮朝露抱此愚志昧死以聞靈運
以族東歸而遊娛宴集以夜續晝復爲御史中丞傅隆所奏坐以
免官是歲元嘉五年靈運旣東還與族弟惠連東海何長瑜穎川
荀雍太山羊璿之以文章賞會共爲山澤之游時人謂之四友惠
連幼有才悟而輕薄不爲父方明所知靈運去永嘉還始寧時方
明爲會稽郡靈運嘗自始寧至會稽造方明過視惠連大相知賞
時長瑜教惠連讀書亦在郡內靈運又以爲絕倫謂方明曰阿連
才悟如此而尊作常見遇之何長瑜當今仲宣而飴以下客之食
尊旣不能禮賢宜以長瑜還靈運靈運載之而去荀雍字道雍官

至員外散騎郎璿之字曜璠臨川內外爲司空竟陵王誕所遇誕
敗坐誅長瑜文才之美亞於惠連雍璿之不及也臨川王義慶招
集文士長瑜自國侍郎至平西記室參軍嘗於江陵寄書與宗人
何勗以韻語序義慶州府僚佐云陸展染鬚髮欲以媚側室青青
不解久星星行復出如此者五六句而輕薄少年遂演而廣之凡
厥人士竝爲題目皆加劇言苦句其文流行義慶大怒白太祖除
爲廣州所統曾城令及義慶薨朝士詣第敘哀何勗謂袁淑曰長
瑜便可還也淑曰國新喪宗英未宜便以流人爲念廬陵王紹鎮
尋陽以長瑜爲南中郎行參軍掌記之任行至板橋遇暴風溺死
靈運因父祖之資生業甚厚奴僮旣衆義故門生數百鑿山浚湖
功役無已尋山陟嶺必造幽峻巖嶂千重莫不備盡登躡常著木
履上山則去前齒下山去其後齒嘗自始寧南山伐木開逕直至

臨海從者數百人臨海太守王琇驚駭謂爲山賊徐知是靈運乃
安又要琇更進琇不肯靈運贈琇詩曰邦君難地嶮旅客易山行
在會稽亦多徒衆驚動縣邑太守孟顓事佛精懇而爲靈運所輕
嘗謂顓曰得道應須慧業文人生天當在靈運前成佛必在靈運
後顓深恨此言會稽東郭有回踵湖靈運求決以爲田太祖令州
郡履行此湖去郭近水物所出百姓惜之顓堅執不與靈運旣不
得回踵又求始寧岬嶼湖爲田顓又固執靈運謂顓非存利民正
慮決湖多害生命言論毀傷之與顓遂構讐隙因靈運橫恣百姓
驚擾乃表其異志發兵自防露板上言靈運馳出京都詣闕上表
曰臣自抱疾歸山于今三載居非郊郭事乖人間幽棲窮巖外緣
兩絕守分養命庶畢餘年忽以去月二十八日得會稽太守臣顓
二十七日疏云比日異論噂喅此雖相了百姓不許寂默今微爲

其防披疏駭惋不解所由便星言奔馳歸骨陛下及經山陰防衛
彰赫彭排馬槍斷截衢巷偵邏縱橫戈甲竟道不知微臣罪爲何
事及見顛雖曰見亮而裝防如此唯有罔懼臣昔忝近侍豫蒙天
恩若其罪迹炳明文字有證非但顯戮司敗以正國典普天之下
自無容身之地今虛聲爲罪何酷如之夫自古讒謗聖賢不免然
致謗之來要有由趣或輕死重氣結黨聚群或勇冠鄉邦劍客馳
逐未聞俎豆之學欲爲逆節之罪山棲之士而構陵上之豐今影
迹無端假謗空設終古之酷未之或有匪忝其生實悲其痛誠復
內省不疚而抱理莫申是以牽曳疾病束骸歸歎仰憑陛下天鑒
曲臨則死之日猶生之年也臣憂怖彌日羸疾發動尸存恍惚不
知所陳太祖知其見誣不罪也不欲使東歸以爲臨川內史賜秩
中二千石在郡遊放不異永嘉爲有司所糾司徒遣使隨州從事

鄭望生收靈運靈運執錄望生與兵叛逆遂有逆志爲詩曰韓亡
子房奮秦帝魯連恥本自江海人忠義感君子追討擒之送廷尉
治罪廷尉奏靈運率部衆反叛論正斬刑上愛其才欲免官而已
彭城王義康堅執謂不宜恕乃詔曰靈運罪釁累仍誠合盡法但
謝玄勳參微管宜宥及後嗣可降死一等徙付廣州其後秦郡府
將宗齊受至除口行達桃墟邨見有七人下路亂語疑非常人還
告郡縣遣兵隨齊受掩討遂共格戰悉禽付獄其一人姓趙名欽
山陽縣人云同邨薛道雙先與謝康樂共事以去九月初道雙因
同邨成國報欽云先作臨川郡犯事徙送廣州謝給錢令買弓箭
力楯等物使道雙要合鄉里健兒於三江口篡取謝若得志如意
之後功勞是同遂合部黨要謝不及旣還飢饉緣路爲劫盜有司
又奏依法收治太祖詔於廣州行棄市刑臨死作詩曰龔勝無餘

生李業有終盡稽公理既迫霍生命亦殞悽悽凌霜葉網網衝風
菌邂逅竟幾何修短非所愍送心自覺前斯痛久已忍恨我君子
志不獲巖上泯詩所稱龔勝李業猶前詩子房魯連之意也時元
嘉十年四十九所著文章傳於世子鳳蚤卒


史臣曰民稟天地之靈含五常之德剛柔送用喜愠分情夫志動
於中則歌詠外發六義所因四始攸繫升降謳謠紛披風什雖虞
夏以遺文不覩稟氣懷靈理無或異然則歌咏所興宜在生民始
也周室既衰風流彌著屈平宋玉導清源於前賈誼相如振芳塵
於後英辭潤金石高義薄雲天自茲以降情志愈廣王褒劉向揚
班崔蔡之徒異軌同奔遞相師祖雖清辭麗曲時發乎篇而蕪音
累氣固亦多矣若夫平子艷發文以情變絕唱高蹤久無嗣響至
于建安曹氏基命二祖陳王咸蓄盛藻甫乃以情緯文以文被質

自漢至魏四百餘年辭人才子文體三變相如巧爲形似之言班
固長於情理之說于建仲宣以氣質爲體竝標能擅美獨映當時
是以一世之士各相慕習原其飈流所始莫不同祖風騷徒以賞
好異情故意製相詭降及元康潘陸特秀律異班賈體變曹王緝
旨星稠繁文綺合綴平臺之逸響採南皮之高韻遺風餘烈事極
江左有晉中興玄風獨振爲學窮於柱下博物止乎七篇馳騁文
辭義單乎此自建武暨乎義熙歷載將百雖綴響聯辭波屬雲委
莫不寄言上德託意玄珠適麗之辭無聞焉爾仲文始革孫許之
風叔源大變太元之氣爰逮宋氏顏謝騰聲靈運之興會標舉延
年之體裁明密竝方軌前秀垂範後昆若夫敷衽論心商榷前藻
工拙之數如有可言夫五色相宣八音協暢由乎玄黃律呂各適
物宜欲使宮羽相變低昂互節若前有浮聲則後須切響一簡之

內音韻盡殊兩句之中輕重悉異妙達此旨始可言文至於先士
茂製諷高歷賞子建函京之作仲宣霸岍之篇子荆零雨之章正
長朔風之句竝直舉胸情非傍詩史正以音律調韻取高前式自
騷人以來此祕未覩至於高言妙句音韻天成皆闇與理合匪由
思至張蔡曹王曾無先覺潘陸謝顏去之彌遠世之知音者有以
得之知此言之非謬如曰不然請待來哲


宋書卷六十七

列傳第二十七終



宋書卷六十八

列傳第二十八



武二王

彭城王義康

南郡王義宣

彭城王義康年十二宋臺除督豫司雍并四州諸軍事冠軍將軍
豫州刺史時高祖自壽陽被徵入輔留義康代鎮壽陽又領司州
刺史進督徐州之鍾離荊州之義陽諸軍事永初元年封彭城王
食邑三千戶進號右將軍二年徙監南豫豫司雍并五州諸軍事
南豫州刺史將軍如故三年授使持節都督南徐兗二州揚州之
晉陵諸軍事南徐州刺史將軍如故太祖卽位增邑二千戶進號
驃騎將軍加散騎常侍給鼓吹一部尋加開府儀同三司元嘉三

年改授都督荆湘雍梁益南北秦八州諸軍事荊州刺史給班劔三十人持節常侍將軍如故義康少而聰察及居方任職事修理六年司徒王弘表義康宜還入輔徵侍中都督揚南徐兗三州諸軍事司徒錄尚書事領平北將軍南徐州刺史持節如故二府並置佐領兵與王弘共輔朝政弘既多疾且每事推謙自是內外衆務一斷之義康太子詹事劉湛有經國才義康昔在豫州湛爲長史既素經情欵至是意委特隆人物雅俗舉動事宜莫不咨訪之故前後在藩多有善政爲遠近所稱九年弘薨又領揚州刺史其年太妃薨解侍中辭班劔十二年又領太子太傅復加侍中班劔義康性好吏職銳意文案糾剔是非莫不精盡既專總朝權事決自已生殺大事以錄命斷之凡所陳奏入無不可方伯以下並委義康授用由是朝野輻湊勢傾天下義康亦自強不息無有懈倦

府門每旦常有數百乘車雖復位卑人微皆被引接又聰識過人一聞必記常所暫遇終生不忘稠人廣席每標所憶以示聰明人物亦以此推服之愛惜官爵未嘗以階級私人凡朝士有才用者皆引入已府無施及忤旨卽度爲臺官自下樂爲竭力不敢欺負太祖有虛勞疾寢頓積年每意所想便覺心中痛裂屬纊者相係義康醫藥盡心衛奉湯藥飲食非口所嘗不進或連夕不寐彌日不解衣內外衆事皆專決施行十六年進位大將軍領司徒辟召掾屬義康素無術學闇於大體自謂兄弟至親不復存君臣形迹率心逕行曾無猜防私置僮部六千餘人不以言臺四方獻饋皆以上品薦義康而以次者供御上嘗冬月噉甘歎其形味並劣義康在坐曰今年甘殊有佳者遣人還東府取甘大供御者三寸尚書僕射殷景仁爲太祖所寵與太子詹事劉湛素善而意好晚衰

湛常欲因宰輔之權以傾之景仁爲太祖所保持義康屢言不見用湛愈憤南陽劉斌湛之宗也有涉俗才用爲義康所知自司徒右長史擢爲左長史從事中郎琅邪王履主簿沛郡劉敬文祭酒魯郡孔胤秀並以傾側自入見太祖疾篤皆謂宜立長君上疾嘗危殆使義康具顧命詔義康還省流涕以告湛及殷景仁湛曰天下艱難詎是幼主所御義康景仁並不答而胤秀等輒就尚書議曹索晉咸康末立康帝舊事義康不知也及太祖疾豫微聞之而斌等旣爲義康所寵又威權盡在宰相常欲傾移朝廷使神器有歸遂結爲朋黨伺察省禁若有盡終奉國不與已同志者必構造愆豐加以罪黜每採拾景仁短長或虛造異同以告湛自是主相之勢分内外之難結矣義康欲以斌爲丹陽尹言次啟太祖陳其家貧上覺其旨義康未卒上曰以爲吳郡後會稽太守羊玄保求

還義康又欲以斌代之又啟太祖曰羊玄保欲還不審以誰爲會稽上時未有所倉卒曰我已用王鴻自十六年秋不復幸東府上以嫌隙旣成將致太禍十七年十月乃收劉湛付廷尉伏誅又誅斌及大將軍錄事參軍劉敬文賊曹參軍孔邵秀中兵參軍邢懷明主簿孔胤秀丹陽丞孔文秀司空從事中郎司馬亮烏程令盛曇泰等徙尚書庫部郎何默子餘姚令韓景之永興令顏遙之湛弟黃門侍郎素斌弟給事中溫於廣州王履廢於家胤秀始以書記見任漸預機密文秀邵皆其兄也司馬亮孔氏中表並由胤秀而進懷明曇泰爲義康所遇默子景之遙之劉湛黨也其日刺義康入宿留止中書省其夕分收湛等青州刺史杜驥勒兵殿內以備非常遣人宣旨告以湛等罪豐義康上表遜位曰臣幼荷國靈爵遇踰等陛下推恩睦親以隆棠棣愛忘其鄙寵授遂崇任總內

外位兼台輔不能正身率下以肅庶僚暱近失所漸不自覺致令毀譽違實賞罰謬加由臣才弱任重以及傾撓今雖罪人卽戮王猷載靜養疊貽垢實由於臣鞠躬慄悚若墮谿壑有何心顏而安斯寵輒解所職待罪私第改授都督江州諸軍事江州刺史持節侍中將軍如故出鎮豫章停省十餘日桂陽侯義融新喻侯義宗祕書監徐湛之往來慰視於省奉辭便下渚上唯對之慟哭餘無所言上又遣沙門釋慧琳視之義康曰弟子有還理不慧琳曰恨公不讀數百卷書征虜司馬蕭斌昔爲義康所暱劉斌等害其寵讒斥之乃以斌爲諮議參軍領豫章太守事無大小皆以委之司徒主簿謝綜素爲義康所狎以爲記室參軍左右愛念者並聽隨從至豫章辭州見許增督廣交二州湘州之始興諸軍事資奉優厚信賜相係朝廷大事皆報示之義康未敗東府聽事前井水忽

涌溢野雉江鷗並飛入所任齊前龍驤參軍巴東扶令育詣闕上表曰蓋聞哲王不逆切旨之諫以博聞爲道人臣不忌殲夷之罰以盡言爲忠是故周昌極諫馮唐面折孝惠所以克固儲嗣魏尚所以復任雲中彼二臣豈好逆主干時犯顏違色者哉又爰盎之諫孝文曰淮南王若道遇死則陛下有殺弟之名奈何文帝不用追悔無及臣艸莽微臣竊不自揆敢抱葵藿傾陽之心仰慕周易匪躬之志故不遠六千里願言命侶謹貢丹愚希垂察納伏惟陛下躬執大象首出萬物王化咸通三才必理闢大人之路開大道之門摻殊逸于巖穴招竒英於側陋窮谷無白駒之倡喬岳無遺寶之嗟豈特羅飛翮于垂天網沈鱗於溟海況於彭城王義康先朝之愛子陛下之次弟哉一旦黜削遠送南服恩絕於內形隔於遠躬離明主身放聖世草萊黔首皆爲陛下痛之臣追惟景平元

嘉之釁幾於危殆三公託以興廢之宜密懷不臣之計台輔伺隙於京甸強楚窺窬於上流或顯逆而陵主有生之所惴恐神祇之所忿忌也賴宗社靈長廟筭流遠灑滌塵埃殲馘醜類氛霧時靖四門載清當爾之時義康豈不預參皇謀均此休否哉且陛下舊楚形勝非親勿居遂以驃騎之號任以藩夏之重撫政南郢綏民遏寇播皇宋之澤以洽幽荒陛下之潤被之九有豈直南荆之民沾渥而已焉遂召之以宰輔又寄之以和味既居三事又牧徐揚所以幽顯齊歡人神同忭莫不言陛下授之爲得義康受之爲是也今如何信疑貌之似闕兄弟之恩乎若有迷謬之愆可責之罪正可數之以善惡導之以義方且廬陵王往事足以知今此乃陛下前事之殷鑒後乘之靈龜也夫曾子之不殺忠臣之篤譬二告而猶織仁王之令範故詩云無信人之言人實不信又云兄弟雖

閱不廢親也尚書曰克明俊德以親九族九族既睦可以親百姓兄弟安可棄乎臣伏願陛下上尋往代廢黜之禍下惟近者讒言之釁廬陵王旣申冤魂於后土彭城王亦弭疑愆於宋京豈徒皇代當今之計蓋乃良史萬代之美也且諂諛難辨是非易黷福始禍先古人所畏故愛身之士自爲已計莫不結舌杜口孰肯冒忌干主哉臣以頑昧獨獻微管所以勤勤懇懇必訴丹誠者實恐義康年窮命盡奄忽于南遂令陛下有棄弟之責臣雖微賤竊爲陛下羞之況書言記事史豈能屈典謨而諱哉脫如臣慮陛下恨之何益楊子雲曰禍福之大莫先於和穆遘禍之深莫過於內難每服斯言以爲警戒矧今覩王室大事豈得韜筆默爾而已哉臣將恐天下風靡離間是懼遂令宇內遷觀民庶革心欲致康哉實爲難也陛下徒云惡枝之宜伐豈悟伐柯之傷樹乃往古之所悲當

今所宜改也陛下若蕩以平聽屏此猜情垂訊芻蕘之謀曲察狂
瞽之計一發非意之詔逮訪博古之士速召義康返於京甸兄弟
協和君臣緝穆息宇內之譏絕多言之路如是則四海之望塞讒
說之道消矣何必司徒公揚州牧然後可以安彭城王哉若臣所
啟違憲於國爲非請卽伏誅以謝陛下雖復分形赴鑊煑體烹屍
始願所甘豈不幸甚表奏卽收付建康獄賜死會稽長公主於兄
弟爲長太祖至所親敬義康南上後久之上嘗就主宴集甚歡主
起再拜稽顙悲不自勝上不曉其意自起扶之主曰車子歲暮必
不爲陛下所容今特請其生命因慟哭上流涕舉手指蔣山曰必
無此慮若違今誓便負初寧陵卽封所飲酒賜義康并書曰會稽
姊飲宴憶弟所餘酒今封送車子義康小字也二十二年太子詹
事范曄等謀反事逮義康事在曄傳有司上曰義康昔擅國權恣

心凌上結朋樹黨苞納凶邪重疊彰著事合明罰特遭陛下仁愛
深至敦惜周親封社不削爵寵無貶四海之心朝野之議咸謂皇
德雖厚實燒典刑而義康曾不思此大造之德自出南服詭飾情
貌外示知懼內實不悛窮好極欲干請無度聖慈含弘每不折舊
矜釋屢加恩疇已往而陰敦行李方啟交通之謀潛資左右以要
死士之命崎嶇伺隙不忘窺窬時猶隱忍罰止僕侍狂疾之性永
不懲革兇心遂成悖謀仍構遠投羣醜千里相結再議宗社重闢
鼎祚賴陛下至誠感神宋曆方永故姦事昭露罪人斯得周公上
聖不辭同氣之刑漢文仁明無隱從兄之惡況義康豐深二叔謀
過淮南背親反道自棄天地臣等參議請下有司削義康王爵收
付廷尉法獄治罪詔特宥大辟於是免義康及子泉陵侯亢女始
寧豐城益陽興平四縣主爲庶人絕屬籍徙付安成郡以寧朔將

軍沈邵爲安成公相領兵防守義康在安成讀書見淮南厲王長事廢書歎曰前代乃有此我得罪爲宜也二十四年豫章胡誕世前吳平令袁暉等謀反襲殺豫章太守桓隆南昌令諸葛智之聚衆據郡復欲奉戴義康太尉錄尚書江夏王義恭等奏曰投畀之言義著雅篇流殛之教事在書典庶人義康負豐深重罪不容戮聖仁不忍屢加遲回宥其大辟賜遷近甸斯乃至愛發天超邈終古曾不遇愆甘引而讒言同衆佞悖徼幸每形辭色內宣家人外動民聽不逞之族因以生心胡誕世假竊名號構成凶逆杜漸除微古今所務況禍機驟發庸可忽乎臣等參議宜徙廣州遠郡放之邊表庶有防絕奏可仍以安成公相沈邵爲廣州事未行值邵病卒索虜來寇瓜步天下擾動止虜異志者或奉義康爲亂世祖時鎮彭城累故宜爲之所太子及尚書左僕射何尚之並以爲言

二十八年正月遣中書舍人嚴龍齋藥賜死義康不肯服藥曰佛教自殺不復得人身便隨宜見處分乃以被拚殺之時年四十三以侯禮葬安成六子允肱珣昭方曇辯允初封泉陵縣侯食邑七百戶昭方並早夭允等留安成元凶得志遣殺之世祖大明四年義康女玉秀等露板辭曰父凶滅無狀孤負大明存荷優養沒蒙加禮明罰羽山未足救法烏烏微心昧死上訴乞反葬舊塋糜骨鄉壤詔聽并加資給前廢帝永光元年太宰江夏王義恭表曰臣聞忝祖遠之猶惑慮親降霍省序義重令戚故嚴道疾終嗣啟方宇阜陵愆屏身遲晚恩竊惟故庶人劉義康昔昧姦回自貽非命沈魂漏籍垂誠來典運革三朝歲盈三紀天地改朔日月再升陶形賦氣感蒙更始義康妻息漂沒早違盛化衆女孤弱永淪黜首卽情原豐本非已招感事哀莞俯增傷咽敢緣陛下聖化融泰春

澤覃被慈育羣生仁被泉艸實希洗宥還齒帝宗則施及陳荻榮
施污壞臣特憑國私冒以誠表宏觸靈威伏紙悲悻詔曰太宰表
如此公緣情遣遠覽以增慨昔淮楚推恩胙流支胤抑法弘親古
今成準使以公表付外依旨奉行故泉陵侯允橫罹凶罹可特爲
置後太宗泰始四年復絕屬籍還爲庶人

南郡王義宣生而舌短澀於言論元嘉元年年十二封竟陵王食
邑五千戶仍拜右將軍鎮石頭七年遷使持節都督徐兗青冀幽
五州諸軍事徐州刺史將軍如故猶戍石頭八年又改都督南兗
兗州刺史當鎮山陽未行明年遷中書監進號中軍將軍加散騎
常侍給鼓吹一部時竟陵羣蠻充庠役刻民散改封南譙王又領
石頭戍事十三年出都督江州豫州之西陵晉熙新蔡三郡諸軍
事鎮南將軍江州刺史初高祖以荊州上流形勝地廣兵彊遺詔

諸子次第居之謝晦平後以授彭城王義康義康入相次江夏王
義恭又以臨川王義慶宗室令望且臨川武烈王有大功於社稷
義慶又居之其後應在義宣上以義宣人才素短不堪居上流十
六年以衡陽王義季代義慶而以義宣代義季爲南徐州刺史都
督南徐州軍事征北將軍持節如故加散騎常侍而會稽公主每
以爲言上遲回久之二十一年乃以義宣都督荆雍益梁寧南北
秦七州諸軍事車騎將軍荊州刺史持節常侍如故先賜中詔曰
師護以在西久比表求還出內左右自是經國常理亦何必其應
於一往今欲聽許以汝代之護雖無殊績潔已節用通懷期物不
恣羣下此信未易非唯聲著西土朝野以爲美談在彼已有次第
爲士庶所安論者乃謂未議遷之今之回換更在欲爲汝耳汝與
護年時一輩各有其美物議亦互有少劣若今向事脫一減之者

既於西夏交有巨礙遷代之譏必歸責於吾矣復當爲護怨非但一誚而已也如此則公私俱損爲不可不先共善詳此事亦易勉耳無爲使人動生評論也師護義季小字也義宣至鎮勤自課厲政事修理白晷美鬚眉長七尺五寸腰帶十圍多畜嬪媵後房千餘尼媪數百男女三十人崇飾綺麗費用殷廣進位司空改侍中領南蠻校尉二十七年索虜南侵義宣慮寇至欲奔上明及虜退太祖詔之曰善修民務不須營潛逃計也三十年遷司徒中軍將軍揚州刺史侍中如故未及就徵值元凶弒立以義宣爲中書監太尉領司徒侍中如故義宣聞之卽時起兵徵聚甲卒傳檄近遠會世祖入討義宣遣參軍徐遺寶率衆一千助爲前鋒世祖卽位以義宣爲中書監都督揚豫二州刺史加羽葆鼓吹給班劍四十人持節侍中如故改封南郡王食邑萬戶進謚義宣所生爲獻太

妃封次子宜陽侯愷爲南譙王食邑千戶義宣固辭內任及愷王爵故是改授都督荆湘雖益梁寧南北秦八州諸軍事荆湘二州刺史持節侍中丞相如故降愷爲宜陽縣王義宣將佐已下並加賞秩長史張暢事在本傳諮議參軍蔡超專掌書記并參謀除尚書吏部郎仍爲丞相咨議參軍南郡內史封汝南縣侯食邑千戶司馬竺超民爲黃門侍郎仍除丞相司馬南平內史其餘各有差義宣在鎮十年兵強財富旣首劫大義威名著天下凡所求欲無不必從朝廷所下制度意所不同者一不遵承嘗獻世祖酒先自酌飲封送所餘其不識大體如此初臧質陰有異志以義宣凡弱易可傾移欲假手爲亂以成其奸自襄陽往江陵見義宣便盡禮事在質傳及至江州每密信說義宣以爲有大才負大功挾震王之威自古尠有全者宜在人前蚤有處分且萬姓莫不係心於公

整衆入朝內外孰不欣戴不爾一旦受禍悔無所及義宣陰納質言而世祖聞庭無禮與義宣諸女淫亂義宣因此發怒密治舟甲克孝建元年秋冬舉兵報豫州刺史魯爽袁州刺史徐遺寶使司爽狂酒失旨其年正月便反遣府戶曹送版以義宣補天子并送天子羽儀遺寶亦勒兵向彭城義宣及質狼狽起兵二月二十六日加都督中外諸軍事置左右長史司馬使僚佐悉稱名遣傳奉表曰臣聞博陸毗漢獲疑宣后昌國翼燕見猜惠王常謂異姓震主嫌隙易構葭莩淳戚昭亮可期臣雖庸懦少希忠謹值巨逆滔天忘家殉國雖曆筭有歸微績不樹竭誠盡愚貫之幽顯而微疑莫監積毀日聞投杼之聲紛紜溢聽諒緣奸臣交亂成是貝錦夫澆俗之季少貞節之臣冰霜競至靡後彫之木並寢處凶世甘榮僞朝皆纓冕之所棄投畀之所取至乃位超昔寵任參大政惡直

醜勲妄生邪說疑惑明主誣罔視聽又南從郡僚勞不足紀橫叨天功以爲己方同弊相扇圖傾宗社臧質去歲忠節勲高古賢魯爽協同大義志契金石此等猜毀必欲禍陷昔汲黯尚存劉安寢志孔父旣逝華督縱逆臣雖不武績著艱難復肆讒狡規見誘召宗祀之危綴旒非所臣託體皇基連暉日月王室顛墜咎在微躬敢忘抵鼠之忌甘受犯墉之責輒徵召甲卒分命衆藩使忠勤申憤義夫效力戮此凶醜謝愆闕廷則進不負七廟之靈退無愧二朝之遇臨表感愧辭不自宜上詔答曰皇帝敬問朕以不天招罹屯難家國阽危剪焉將及所以身先八百雪清寃恥遠憑高竿共濟艱難遂登寡闇嗣奉洪祀尊戚酬勲寔表心事批政闕職所願匡拯而嘉言茂聞末德先著勤王之績未終毀冕之圖已及臧質嶮躁無行見棄人倫以此不識志在問鼎凶意將逞先借附從扇

誘欺熾成此亂階如使羣逆並濟衆邪競逐將恐瞻烏之命未識
所止構怨連禍孰知其極公明有不照背本崇姦迷昵讒醜還謀
社稷雖履霜有日誼議糾紛朕以至道無私杜遏疑議信理推誠
暴於遐邇不虞物變難酬醜言遂驗是用悼心失圖忽忘寢食今
便親御六師廣命羣牧告靈誓衆真造柴桑梟輓元惡以謝天下
然後警蹕清江鳴鑾郢路投戈襲衮面稟規勗有宋不造家禍仍
纏昔歲事寧方承遠訓冀以虛薄永弭厥艱豈謂曾未替稔復覩
斯豐二祖之業將墜於淵仰瞻鴻基但深感慟太傅江夏王義恭
又與義宣書曰頃聞之道路云二魯背叛致之有由謂不然之言
絕於智者之耳忽見來表將興晉陽之甲驚愕駭惋未譬所由若
主幼臣強政移冢宰或時昏下縱在上畏逼然後賢藩忠構覩難
赴機未聞聖主御世百辟順軌稱兵於言興之初扶危於旣安之

日以此取濟竊謂大弟憂之昔歲二凶構逆四海同奮弟協宣忠
孝奉戴明主元功盛德旣已昭著皇朝欽嘉又亦優渥丞相位極
人臣江左罕授一門兩王舉世希有表倍推誠彰於見事出納之
宜唯意所欲襄升進益方省後命一旦棄之可謂運也吾等荷先
帝慈育得及人羣思報厚恩昊天罔極竭力盡誠猶懼無補奈何
妄聽邪說輕造禍難國靡流言遽歸愆於二叔世無龜錯仍襲輒於
七藩棄漢蒼之令範遵齊罔之敗跡往時仲堪假兵靈寶旋害其
族孝伯授之劉牢忠誠逝踵皆曩代之成事當今之殷鑒也臧質
少無美行弟所具悉憑恃末戚並有微勤承乏推遷遂超倫伍籍
西楚強力圖濟其私凶謀若果恐非復池中物魯宗父子世爲國
寃太祖方弘遐略故爽等均雍齒之封令據有五州虎兕出於匣
是須爲劉淵耳徐遺寶是垣護之婦弟前因護之歸於吾苦求北

出不樂遠西近磐桓湖陸示遣劉雍其意見可雍是徐冲舅適有
密信誓倒戈自虜侵境以來公私彫弊安以撫之庶可寧靜弟復
隨而擾亂吾恐邊鄙皆爲禾黍宜遠尋高祖創業艱難近念家國
比者禍豐時息兵戈共安社稷青躬謝過誅除險佞追保前勲傳
美竹帛昔梁孝悔罪景帝垂恩阜質改過肅宗降澤忠焉之悔聊
希徃言禍福之機明者是察主上神武英斷羣風如林忠臣發憤
虎士投袂雄騎布野舳艫蓋川吾以不才忝權節鉞總督羣帥首
加戎先指晨電舉式清南服所以積行緩期冀弟不遠而悟如其
遂溺茲說者天實爲之臨書慨懣不識次第義宣移檄諸州郡加
進號位遣參軍劉湛之尹周之等率軍下就臧質離州刺史朱脩
之起兵奉順義宣二月十一日率衆十萬發自江津舳艫數百里
是日大風船幾覆沒僅得入中夏口以第八子怡爲輔國將軍留

鎮江陵遣魚豸朱曇韶萬餘人北誅朱脩之秀初至江陵見義宣
旣出拊膺曰阿兄誤大事乃與癡人共作賊今年敗矣義宣至尋
陽與質俱下質爲前鋒至雒頭聞徐遺寶敗魯爽於小峴授首相
視失色世祖使鎮北大將軍沈慶之送爽首示義宣并與書僕荷
任一方而釁生所統近聊率輕師指往剪撲軍鋒裁交賊爽授首
公情契異常或欲相見及其可識指送相呈義宣質並駭懼上先
遣豫州刺史王玄謨舟師頓梁山洲內東西兩岸爲郤月城營柵
甚固義宣屢與玄謨書要令降玄謨書報曰頻奉二誨伏對戰駭
先在彭泗聞諸將皆云必有今日之事以鄙意量謂無此理去年
九月故遣參軍光僧瑗修書表心并密陳入相之計欲使周旦之
美復見於今豈意理數難推果至於此昔因幸會蒙國士之顧思
報厚德甘起泉壤豈謂一旦事與願違公崇長姦回自放西服信

邪細之說忘大節之重溺流狡之志滅君親之恩狎玩極寵越希非覬祖宗世祀自圖顛覆瞑目行事未有如斯之甚者也乃復枉單書檄遠示見招此則丹心微欵未亮於高鑑赤城幽志虛感於平日環念周回始悟知己之爲難也公但念提職在昔不思善教有本徒見徐魯去就未知仗義有人豈不惜哉有臣則欲其忠誘人而導諸逆君子忠恕其如是乎苟不忠恕則擇木之翰有所不集矣夫挑妾者愛其易求妻則敬其難若承命如響將焉用之原轂存輿無禮必及竊恐荆郢之士已當潛貳其懷非皇都陋臣秉義不徙公雖心迷迹往猶願勉建良圖抑撫軍忠壯慷慨亮誠有素新亭之勳莫與爲等而妄信姦虛坐相貶謗不亦惑哉幸承人乏夙誠前驅精甲已次近路鎮軍駱驛繼發太傅驃騎嗣董元戎乘輿親御六師威靈遐振人百其氣慕義如林舟騎雲回赫奕千

里輒屬韃秉銳與執事周旋授命當仁無所讓夫君道旣盡民禮亦絕執筆裁答感慨交懷撫軍柳元景據姑熟爲大統偏帥鄭琨武念成南浦質逕入梁山去玄謨一里許結營義宣屯蕪湖五月十九日西南風猛質乘風順流攻玄謨西壘冗從僕射胡子友等戰失利棄壘渡就玄謨質又遣將龐法起數千兵從洲外趨南浦仍使自後掩玄謨與琨念相遇法起戰大敗赴水死略盡二十一日義宣至梁山質上出軍東岸攻玄謨玄謨分遣游擊將軍垣護之竟陵太守薛安都等出壘奮擊大敗質軍軍人一時投水護之等因風縱火焚其舟乘風勢猛盛烟燭覆江義宣時屯西岸延火燒營殆盡諸將乘風火之勢縱兵攻之衆一時奔潰義宣與質相失各單舸迸走東人士庶並歸順西人與義宣相隨者船舸猶有百餘女先適臧質子過尋陽入城取女載以西奔至江夏聞巴

陵有軍被抄斷回入逕口步向江陵衆散且盡左右唯十許人脚痛不復能行就民僦露車自載無復食緣道求告至江陵郭外遣人報竺超民超民具羽儀兵衆迎之時外猶自如舊帶甲尚萬餘人義宣旣入城仍出聽事見客左右翟靈寶誠使撫慰衆賓以臧質違指授之宜用致失利今治兵繕甲更爲後圖昔漢高百敗終成大業而義宣忘靈寶之言誤云項羽千敗衆咸掩口而笑魯秀竺超民等猶爲之爪牙欲收合餘燼更圖一決而義宣昏墊無復神守入內不復出左右腹心相率奔叛魯秀北走義宣不復自立欲隨秀去乃於內戎服膺囊盛糧帶佩刀攜息怡及所愛妾五人皆著男子服相隨城內擾亂白刃交橫義宣大懼落馬仍便步地超民送城外更以馬與之超民因還守城義宣冀及秀望諸將送北入虜旣失秀所在未出郭將士逃散盡唯餘怡及五妾兩黃門

而已夜還向城入南郡空廨無牀席地至旦遣黃門報超民超民遣故車一乘載送刺姦義宣送止獄戶坐地歎曰臧質老奴誤我始與五妾俱入獄五妾尋被遣出義宣號泣語獄吏曰常日非苦今日分別始是苦大司馬江夏王義恭諸公王八座與荊州刺史朱脩之書曰義宣反道叛恩自陷極逆大義滅親古今同隄無將之誅猶或囚殺况醜文悖志宣灼遐邇鋒指絳闕兵纏近郊豐逼憂深臣主旰食賴朝略震明祖宗靈慶罪人斯得七廟弗隳司刑定罰典辟攸在而皇慈逮下愍其愚迷抑法申情屢奏不省人神悚遑省心震傷義宣自絕於天理無容受社稷之慮臣子責深便宜專行大戮以紓國難但加諸斧鉞有傷聖仁示以弘恩使自爲所上全天德下一洪憲臨書悲慨不復多云書未達脩之至江陵已於獄盡焉時年四十世祖聽還葬義宣子棕愷恢憬悵悒悒怡

伯實業悉達法導僧喜慧正慧知明彌虜妙覺寶明凡十八人愷
恢愷惇並於江陵墓所賜死恢悉達早卒餘並與義宣俱爲朱脩
之所殺蔡超及諮議參軍顏樂之徐壽之等諸同惡並伏誅超濟
陽考城人父茂之侍廬陵王義真讀書官至彭城王義康驃騎從
事中郎始興太守超少有才學初爲兗州主簿時令百官舉才超
與前始寧令同郡江淳之前征南參軍會稽賀道養並爲興安侯
義賓所表薦竺超民青州刺史竺夔子也恢字景度旣嫡長少而
辯慧義宣甚愛重之年十一拜南譙王世子除給事中義宣爲荆
州常停都邑太祖欲令還西乃以爲河東太守加寧朔將軍頃之
徵爲黃門侍郎元凶弑立恢爲侍中義宣起義劭收恢及弟愷
惇恢繫於外散騎郎沈煥防守之煥密有歸順意謂恢等曰禍
福與諸郎同之願勿憂及臧質自白下上趨廣莫門劭令煥殺恢

等煥乃解其桎梏率所領數十人與恢等向廣莫門欲出門者
之煥曰臧公已至凶人走矣此司空諸郎並能爲諸君得富貴非
徒免禍而已勿相留亦值質至因以得出恢至新亭自除侍中俄
遷侍中散騎常侍西中郎將湘州刺史義宣并領湘州轉恢侍中
領衛尉晉氏過江不置城門校尉及衛尉官孝武欲重城禁故復
置衛尉卿衛尉之置自恢始也轉右衛將軍侍中如故義宣舉兵
反恢與兄弟姊妹一時逃亡恢藏江寧民陳銑家有告之者錄付
廷尉恢子善藏與恢俱死愷字景穆生而養於宮內寵均皇子十
歲封宜陽縣侯仍爲建威將軍南彭城沛二郡太守遷步兵校尉
轉黃門侍郎太子中庶子領長水校尉元凶以愷爲散騎常侍世
祖以爲祕書監未拜遷輔國將軍南彭城下邳二郡太守其年轉
五兵尚書進爵爲王義宣反問至愷於尚書寺內著婦人衣乘問

訊車投臨汝公益詡詡於妻室內爲地窟藏之事覺收付封詡
伏誅恢封臨武縣侯年十八卒謚曰悼侯悰封湘南縣侯憬封祁
陽縣侯徐遺寶字石雋高平金鄉人初以新亭戰功爲輔國將軍
衛軍司馬河東太守不之官遷兗州刺史將軍如故戍湖陸封益
陽縣侯食邑二千五百戶義宣旣沒遣使以遺寶爲征虜將軍徐
州刺史率軍出瓜步遺寶遣長史劉雖之襲彭城寧朔司馬明胤
擊破之更遣高平太守王玄楷與雖之復逼彭城時徐州刺史蕭
思話未之鎮因詔安北司馬夏侯祖權率五百人馳往助胤旣至
擊玄楷斬之雖之還湖陸遺寶復遣使人檀休祖應玄楷聞敗亦
潰散遺寶棄城奔魯爽爽敗逃東海郡界土人斬送之傳首京邑
夏侯祖權護人地以功封祁陽縣子食邑四百戶大明中爲建武
將軍兗州刺史卒官謚曰烈子

史臣曰襄陽龐公謂劉表曰若使周公與管蔡處茅屋之下食藜
藿之羹豈有若斯之難夫天倫由于子共氣分形寵愛之分雖同富
貴之情則異也追味尚長之言以爲太息

宋書卷六十九
列傳第二十九

藝文志卷之四
天官志

劉湛

范曄

劉湛字弘仁南陽涅陽人也祖耽父桺並晉左光祿大夫開府儀
同三司湛出繼伯父淡襲封安衆縣五等男少有局方不尚浮華
博涉史傳諳前世舊典弱年便有宰世情常自比管夷吾諸葛亮
不爲文章不喜談議本州辟主簿不就除著作佐郎又不拜高祖
爲太尉行參軍賞遇甚厚高祖領鎮西將軍荊州刺史以湛爲功
曹仍補治中別駕從事史復爲太尉參軍世子征虜西中郎主簿
父桺亡於江州州府送故甚豐一無所受時論稱之服終除祕書
丞出爲相國參軍謝晦王弘並稱其有器幹高祖入受晉命以第

四子義康爲冠軍將軍豫州刺史留鎮壽陽以湛爲長史梁郡太守義康弱年未親政府州軍事悉委湛府進號右將軍仍隨府轉義康以本號徙爲南豫州湛改領歷陽太守爲人剛嚴用法奸吏犯贓百錢以上皆殺之自下莫不震肅廬陵王義真出爲車騎將軍南豫州刺史湛又爲長史太守如故義真時居高祖憂使帳下備膳湛禁之義真乃使左右索魚肉珍羞於齋內別立厨帳會湛入因命臠酒炙車螯湛正色曰公當今不宜有此設義真曰且甚寒一盃酒亦何傷長史事同一家望不爲異酒旣至湛因起曰旣不能以禮自處又不能以禮處人景平元年召入拜尚書吏部郎遷右衛將軍出督廣文二州諸軍事建威將軍平越中郎將廣州刺史嫡母憂去職服闋爲侍中撫軍將軍江夏王義恭鎮江陵以湛爲使持節南蠻校尉領撫軍長史行府州事時王弘輔政而王

華王曇首任事居中湛自謂才能不後之不願外出是行也謂爲弘等所斥意甚不平常曰二王若非代邸之舊無以至此可謂遭遇風雲湛負其志氣常慕汲黯崔琰爲人故名長子曰黯字長孺第二子曰琰字季珪琰於江陵病卒湛求自送喪還都義恭亦爲之陳請太祖答義恭曰吾亦得湛故事爲之酸懷乃不欲苟違所請但汝弱年新涉庶務八州殷曠專斷事重疇諮委仗不可不得其人量筭二三未獲便相順許令答湛啟權停彼塋頃朝臣零落相係寄懷轉寡湛實國器吾乃欲引其令還直以西夏任重要且停此事耳汝慶賞黜罰豫闕失得者必宜悉相委寄義恭性甚狷隘年又漸長欲專政事每爲湛所裁王佐之間嫌隙遂構太祖聞之密遣使詰讓義恭并使深加諧緝義恭具陳湛無居下之禮又自以年長未得行意雖奉詔旨頗有怨言上友於素篤欲加酬順

乃詔之曰事至於此甚爲可歎當今之才委授已爾宜盡相彌縫取其可取棄其可棄汝疏云泯然無際如此甚佳彼多猜不可令萬一覺也汝年已長漸更事物且羣情矚望不以幼昧相期何由故如十歲時動止諮問但當今所專必是小事耳亦恐量此輕重未必盡得彼之疑怨兼或由此邪先是王華旣亡曇首又卒領軍將軍殷景仁以時賢零落白太祖徵湛八年召爲太子詹事加給事中本州大中正與景仁並被任遇湛常云今世宰相何難此政可當我南陽郡漢世功曹耳明年景仁轉尚書僕射領選護軍將軍湛代爲領軍將軍十二年又領詹事湛與景仁素款又以其建議徵之甚相感悅及俱被時遇猜隙漸生以景仁專管內任謂爲間已時彭城王義康專秉朝權而湛昔爲上佐遂以舊情委心自結欲因宰相之力以回主心傾黜景仁獨當時務義康屢構之於

太祖其事不行義康寮屬及湛諸附隸潛相約勒無敢歷殷氏門者湛黨劉敬文父成未悟其機詣景仁求郡敬文遽往謝湛曰老父悖老遂就殷鐵干祿由敬文闇淺上負生成合門慚懼無地自處敬文之奸諂無愧如此義康擅勢專朝威傾內外湛愈推崇之無復人臣之禮上稍不能平湛初入朝委任甚重日夕引接恩禮綢繆善論治道并譜前事故事叙致銓理聽者忘疲每入雲龍門御者便解駕左右及羽儀隨意分散不夕不出以此爲常及至晚節驅煽義康陵轢朝廷上意雖內離而相遇不改上嘗謂所親曰劉班初自西還吾與語常看日早晚慮其當去比入吾亦看日早晚慮其不去湛小字班虎故云班也遷丹陽尹金紫光祿大夫加散騎常侍詹事如故十七年所生母亡時上與義康形迹旣乖豐難將結湛亦知無復全地及至丁艱謂所親曰今年必敗常日正

賴口舌爭之故得推遷耳今既窮毒無復此望禍至其能久乎十月詔曰劉湛階藉門蔭少叨榮位往佐歷陽奸諛風著謝晦之難潛使密告求心卽事久宜誅屏朕所以棄罪略瑕庶收後效寵秩優忝踰越倫匹而凶忍忌克剛愎靡厭無君之心觸遇斯發遂乃合黨連羣構扇同異附下蔽上專弄威權薦子樹親互爲表裏邪附者榮曜九族秉理者推陷必至旋觀奸匿爲日已久猶欲弘納遵養冀或悛革自邇以來凌縱滋甚悖言懟容罔所顧忌險謀潛計睥睨兩宮豈唯彰暴國都固亦達於四海比年七曜違度震蝕表災侵陽之徵事符幽顯搢紳含憤義夫與歎昔齊魯不綱禍傾邦國昭宣電斷漢祚方延便收付廷尉肅明刑典於獄伏誅時年四十九子黯大將軍從事中郎黯及二弟亮儼並從誅湛弟素黃門侍郎徙廣州湛初被收歎曰便是亂邪仍又曰不言無我應亂

殺我自是亂法耳入獄見素曰乃復及汝邪相勸爲惡惡不可爲相勸爲善正見今日如何湛生女輒殺之爲士流所怪

范曄字蔚宗順陽人車騎將軍泰少子也母如廁產之額爲搏所傷故以搏爲小字出繼從伯弘之襲封武興縣五等侯少好學博涉經史善爲文章能隸書曉音律年十七州辟主簿不就高祖相國掾彭城王義康冠軍參軍隨府轉右軍參軍入補尚書外兵郎出爲荊州別駕從事史尋召爲祕書丞父憂去職服終爲征南大將軍檀道濟司馬領新蔡太守道濟北征曄憚行辭以脚疾上不許使由水道統載器仗部伍軍還爲司徒從事中郎頃之遷尚書吏部郎元嘉元年冬彭城太妃薨將葬祖夕僚故並集東府曄弟廣淵時爲司徒祭酒其日在直曄與司徒左西屬王深宿廣淵許夜中酣飲開北牖聽挽歌爲樂義康大怒左遷曄宜城太守不得

志乃刪衆家後漢書爲一家之作在郡數年遷長沙王義欣鎮軍長史加寧朔將軍兄暲爲宜都太守嫡母隨暲在官十六年母亡報之以疾暲不時奔赴及行又攜妓妾自隨爲御史中丞劉損所奏太祖愛其才不罪也服闋爲始興王濬後軍長史領南下邳太守及濬爲揚州未親政事悉以委暲尋遷左衛將軍太子詹事暲長不滿七尺肥黑禿眉鬚善彈琵琶能爲新聲上欲聞之屢諷以微旨暲僞若不曉終不肯爲上彈上嘗宴飲歡適謂暲曰我欲歌卿可彈暲乃奉旨上歌既畢暲亦止弦初魯國孔熙先博學有縱橫才志文史星筭無不兼善爲員外散騎侍郎不爲時所知久不得調初熙先父默之爲廣州刺史以贓貨得罪下廷尉大將軍彭城王義康保持之故得免及義康被黜熙先密懷報效欲要朝廷大臣未知誰可動者以暲意志不滿欲引之而熙先素不爲暲所

重無因進說暲外甥謝綜雅爲暲所知熙先嘗經相識乃傾身事綜與之結厚熙先籍嶺遺財家甚富足始與綜諸弟共博故爲拙行以物輸之綜等諸年少旣屢得物遂日夕往來情意稍款綜乃引熙先與暲爲數暲又與戲熙先故爲不敵前後輸暲物甚多暲旣利其財寶又愛其文藝熙先素有詞辯盡心事之暲遂相與異常申莫逆之好始以微言動暲暲不回熙先乃極辭譬說暲素有閨庭論議朝野所知故門胄雖華而國家不與姻娶熙先因此激之曰丈人若謂朝廷相待厚者何故不與丈人婚爲是門戶不得邪人作犬豕相遇而丈人欲爲之死不亦惑乎暲默然不答其意乃定時暲與沈演之並爲上所待每被見多同暲若先至必待演之俱入演之先至嘗獨被引暲又以此爲怨暲累經義康府佐見待素厚及宣城之授意好乖離綜爲義康大將軍記室參

軍隨鎮豫章綜還申義康意於畢求解晚隙後敦往好畢既有逆謀欲探時旨乃言於上曰臣歷觀前史二漢故事諸蕃王政以詆誚幸災便正大逆之罰況義康奸心疊跡彰著遐邇而至今無恙臣竊惑焉且大梗常存將重階亂骨肉之際人所難言臣受恩深重故冒犯披露上不納熙先素善天文云太祖必以非道晏駕當由骨肉相殘江州應出天子以爲義康當之綜父述亦爲義康所遇綜弟約又爲義康女夫故太祖使綜隨從南上旣爲熙先所獎說亦有酬報之心廣州人周靈甫有家兵部曲熙先以六十萬錢與之使於廣州合兵靈甫一去不反大將軍府史仲承祖義康舊所信念屢銜命下都亦潛結腹心規有異志聞熙先有誠密相結納丹揚尹徐湛之素爲義康所愛雖爲舅甥恩過子弟承祖因此結事湛之告以密計承祖南下申義康意於蕭思話及畢云本欲

與蕭結婚恨始意不果與范本情不薄中間相失傍人爲之耳有法略道人先爲義康所供養粗被知待又有王國寺法淨尼亦出入義康家內皆感激舊恩規相拯拔並與熙先往來使法略罷道本姓孫改名景玄以爲臧質寧遠參軍熙先善於治病兼能詠脉法靜尼妹夫許耀領隊在臺宿衛殿省嘗有病因法靜尼就熙先乞治爲合湯一劑耀疾卽損耀自往訓謝因成周旋熙先以耀膽幹可施深相待結因告逆謀耀許爲內應豫章胡遵世藩之子也與法略甚款亦密相酬和法靜尼南上熙先遣婢採藻隨之付以牋書陳說圖識法靜還義康餉熙先銅七銅鑷袍段綦奩等物熙先慮事泄醜採藻殺之湛之又謂畢等臧質見與異常歲內當還已報質悉攜門生義故其亦當解人此旨故應得健兒數百質與蕭思話款密當仗要之二人並受大將軍眷遇必無異同思話三

州義故衆力亦不減質郡中文武及合諸處偵邏亦當不減千人
不憂兵力不足但當勿失機耳乃略相署置湛之爲撫軍將軍揚
州刺史畢中軍將軍南徐州刺史熙先左衛將軍其餘皆有選擬
凡素所不善及不附義康者又有別簿並入死目熙先使弟休先
先爲檄文曰夫休否相乘道無恒泰狂狡肆逆明哲是殛故小白
有一匡之勲重耳有翼戴之德自景平肇始皇室多故大行皇帝
天誕英姿聰明叡哲拔自藩國嗣位統天憂勞萬機垂心庶務是
以邦內安逸四海同風而比年以來奸豎亂政刑罰乖淫陰陽違
舛致使豐起蕭墻危禍萃集賊臣趙伯符積怨含毒遂縱奸凶肆
兵犯蹕禍流儲宰崇樹非類傾墜皇基罪百泥犴過十玄莽開闢
以來未聞斯比率土叨心華夷泣血咸懷亡身之誠同思糜軀之
報湛之畢與行中領軍蕭思話行護軍將軍臧質行左衛將軍孔

熙先建威將軍孔休先忠貫白日誠著幽顯義痛其心事傷其目
投命奮戈萬殞莫顧卽日斬伯符首及其黨與雖豺狼卽戮王道
惟新而普天無主羣萌莫繼彭城王體自高祖聖明在躬德格天
地勲溢區宇世路威儀勿用南服龍潛鳳棲于茲六稔蒼生饑德
億兆渴化豈唯東征有鴟鴞之歌陝西有勿剪之思哉靈祇告徵
祥之應識記表帝者之符上答天心下愜民望正位辰極非王而
誰今遣行護軍將軍臧質等齎皇帝璽綬星馳奉迎百官備禮駱
驛繼進並命羣帥鎮戍有常若干撓義徒有犯無貸昔年使反湛
之奉賜手敕逆誠禍亂預覩斯萌令宣示朝賢共拯危溺無斷謀
事失於後機遂使聖躬濫酷大變奄集哀恨崩裂撫心摧哽不知
何地可以厝身輒督厲庭頓死而後已熙先以旣爲大事宜須義
康意旨畢乃作義康與湛之書宣示同黨曰吾凡人短才生長富

貴任情用已有過不聞與物無恒喜怒違實致使小人多怨士類
不歸禍敗已成猶不覺悟退加尋省方知自招刻肌刻骨何所復
補然至於盡心奉上誠貫幽顯拳拳謹慎惟恐不及乃可恃寵驕
盈實不敢故爲欺罔也豈苞藏逆心以招灰滅所以推誠自信不
復防護異同率意信心不顧萬物議論遂致讒巧潛構衆惡歸集
甲奸險好利負吾事深乙凶愚不齒扇長無賴丙丁趨走小子唯
知諂進伺求長短同造虛說致令禍陷骨肉誅戮無辜凡在過釁
竟有何徵而刑罰所加同之元惡傷和枉理感徹天地吾雖幽逼
日苦命在漏刻義慨之士時有音信每知天文人事及外間物情
土崩瓦解必在朝夕是爲釁起羣賢濫延國家風夜憤踊心腹交
戰朝之君子及士庶白黑懷義秉理者寧可不識時運之會而坐
待橫流邪除君側之惡非唯一代況此等狂亂罪孰終古所無加

之剪戮易於摧朽邪可以五言宣示衆賢若能同心奮發族裂逆
黨豈非功均荆業重造宋室乎但兵凶戰危或致侵濫若有一豪
犯順誅及九族處分之要委之羣賢皆當謹奉朝廷動止聞啟往
日嫌怨一時豁然後吾當謝罪北闕就戮有司苟安社稷瞑目
無恨勉之勉之二十二年九月征北將軍衡陽王義季右將軍南
平王鐸出鎮上於武帳岡祖道畢等期以其日爲亂而差互不得
發於十一月徐湛之上表曰臣與范畢本無素舊中忝門下與之
鄰省屢來見就故漸成周旋比年以來意態轉見傾動險忌富貴
情深自謂任遇未高遂生怨望非唯攻伐朝士譏謗聖時乃上議
朝廷下及藩輔驅扇同異恣口肆心如此之事已具上簡近員外
散騎侍郎孔熙先忽令大將軍府吏仲承祖騰畢及謝綜等意欲
收合不逞規有所建以臣昔蒙義康接盼又去歲羣小爲臣妄生

風塵謂必嫌懼深見勸誘兼云人情樂亂機不可失讖緯天文並有徵驗畢尋自來復具陳此并說臣論議轉惡全身爲難卽以啟聞被敕使相酬引究其情狀於是悉出檄書選事及同惡人名手墨翰跡謹封上呈凶悖之甚古今罕比由臣闇於交士聞此逆謀臨啟震惶荒情無措詔曰湛之表如此良可駭惋畢素無行檢少負瑕釁但以才藝可施故收其所長頻加榮爵遂參清顯而險利之性有過谿壑不識恩遇猶懷怨憤每存容養冀能悛革不謂同惡相濟狂悖至此便可收掩依法窮詰其夜先呼畢及朝臣集華林東閣止於客省先已於外收綜及熙先兄弟並皆欵服于時上在延賢堂遣使問畢曰以卿猶有文翰故相任擢名爵期懷於爾非少亦知卿意難狀滿正是無理怨望驅扇朋黨而已云何乃有異謀畢倉卒怖懼不卽首款上重遣問曰卿與謝綜徐湛之孔熙

先謀逆並已答款猶尚未死徵據見存何不依實畢對曰今宗室磐石蕃嶽張時設使竊發僥倖方鎮便來討伐幾何而不誅夷且臣位任過重一階兩級自然必至如何以滅族易此古人云左手據天下之圖右手刎其喉愚夫不爲臣雖尼下朝廷許其猶有所及以理而察臣不容有此上復遣問曰熙先近在華林門外寧欲面辨之乎畢辭窮乃曰熙先苟誣引臣臣當如何熙先聞畢不服笑謂殿中將軍沈邵之曰凡諸處分符檄書疏皆范畢所造及治定云何於今方作如此抵蹋邪上示以墨迹畢乃具陳本末曰久欲上聞逆謀未著又冀其事消弭故推遷至今負國罪重分甘誅戮其夜上使尚書僕射何尚之視之問曰卿事何得至此畢曰君謂是何尚之曰卿自應解畢曰外人傳庾尚書見憎計與之無惡謀逆之事聞孔熙先說此輕其小兒不以輕意今忽受責方覺爲

罪君方以道佐世使天下無冤弟就死之後猶望君照此心也明日仗士送畢付廷尉入獄問徐丹陽所在然後知爲湛之所發熙先望風吐欵辭氣不撓上奇其才遣人慰勞之曰以卿之才而滯於集書省理應有異志此乃我負卿也又詰責前吏部尚書何尚之曰使孔熙先年將三十作散騎郎那不作賊熙先於獄中上書曰囚小人猖狂識無遠概徒徇意氣之小感不料逆順之大方與第二弟休先首爲奸謀干犯國憲整膺脯醢無補尤戾陛下大明含弘量苞天海錄其一介之節猥垂優逮之詔恩非望始沒有遺榮終古以來未有斯比夫盜馬絕纓之臣懷璧投書之士其行至賤其過至微由識不世之恩以盡軀命之報卒能立功齊魏致勳秦楚囚雖身陷禍逆名節俱喪然少也忼慨竊慕烈士之遺風但墜崖之木事絕升躋覆盆之水理乖收汲方當身膏鈇鉞詒誠方

來若使魂而有靈結艸無遠然區區丹抱不負夙心貪及視息少得申暢自惟性愛羣書心解數術智之所周力之所至莫不窮攬究其幽微考論既往誠多審驗謹略陳所知條牒如故別狀願且勿遺棄存之中書若囚死之後或可追存庶九泉之下少塞釁責所陳並天文占候識上有骨肉相殘之禍其言深切畢在獄與綜及熙先異處乃稱疾求移考堂欲近綜等見聽與綜等果得隔壁遙問綜曰始被收時疑誰所告綜云不知畢曰乃是徐童童徐湛之小名仙童也在獄爲詩曰禍福本無兆性命歸有極必至定期誰能延一息在生已可知來緣愷無識好醜共一丘何足異枉直豈論東陵上寧辨首山側雖無嵇生琴庶同夏侯色寄言生存予此路行後卽畢本意謂入獄便死而上窮治其獄遂經二旬畢更有生望獄吏因戲之曰外傳詹事或當長繫畢聞之驚喜綜熙

先笑之曰詹事當可共疇事時無不攘袂瞋目及在西池射堂上躍馬顧盼自以爲一世之雄而今擾攘紛紜畏死乃爾設令今時賜以性命人臣圖王何顏可以生存畢謂衛獄將曰惜哉葬如此人將曰不忠之人亦何足惜畢曰大將言是也將出市畢最在前於獄門顧謂綜曰今日次第當以位邪綜曰賊帥爲先在道語笑初無暫止至市問綜曰時欲至未綜曰勢不復久畢旣食又苦勸綜綜曰此異病篤何事彊飯畢家人悉至市監刑賊司問須相見不畢問綜曰家人以來幸得相見將不楚別綜曰別與不別亦何所存來必當號泣正足亂人意畢曰號泣何關人向見道邊親故相瞻望亦殊勝不見吾意故欲相見於是呼前畢妻先下撫其子回罵畢曰君不爲百歲阿家不感天子恩遇身死固不足塞罪奈何枉殺子孫畢乾笑云罪至而已畢所生母泣曰王上念汝無極

汝曾不能感恩又不念我老今日奈何仍以手擊畢頸及頰畢顏色不怍妻云罪人阿家莫念妹及妓妾來別畢悲涕流漣綜曰舅殊不同夏侯色畢收淚而止綜母以子弟自蹈逆亂獨不出視畢語綜曰姊今不來勝人多也畢轉醉子藹亦醉取地土及果皮以擲畢呼畢爲別駕數十聲畢問曰汝恚我邪藹曰今日何緣復恚但父子同死不能不悲耳畢常謂死者神滅欲著無鬼論至是與徐湛之書云當相從地下其謬亂如此又語人寄語何僕射天下決無佛鬼若有靈自當相報收畢家樂器服玩並皆珍麗妓妾亦盛飾母任止單陋唯有一厨盛樵薪弟子冬無被叔父單布衣畢及子藹遙叔夔孔熙先及弟休先景先思先熙先子桂甫桂甫子白民謝綜及弟約仲承祖許曜諸所連及並伏誅畢時年四十八畢兄弟子父已亡者及謝綜弟緯徙廣州藹子魯連吳興昭公主

外孫請全生命亦得遠徙世祖卽位得還畢性精微有思致觸類多善衣裳器服莫不增損制度世人皆法學之撰和香方其序之曰麝本多忌過分必害沈實易和盈斤無傷零藿虛燥詹唐黏濕甘松蘇合安息鬱金捺多和羅之屬並被珍於外國無取於中土又棗膏昏鈍甲煎淺俗非唯無助於馨烈乃當彌增於九疾也此序所言悉以比類明士麝本多忌比庾炳之零藿虛燥比何尚之詹唐黏濕比沈演之棗膏昏鈍比羊玄保甲煎淺俗比徐湛之甘松蘇合比慧琳道人沈實易和以自比也畢獄中與諸甥姪書以自序曰吾狂屢覆滅豈復可言汝等皆當以罪人棄之然平生行已在懷猶應可尋至於能不意中所解汝等或不悉知吾少嬾學問晚成人年三十許政始有向耳自爾以來轉爲心化推老將至者亦當未已也往往有微解言乃不能自盡爲性不尋注書心氣

惡小苦思便憤悶口機又不調利以此無談功至於所通解處皆自得之於胷懷耳文章轉進但才少思難所以每於操筆其所成篇殆無全稱者常恥作文士文患其事盡於形情急於藻義牽其旨韻移其意雖時有能者大較多不免此累政可類工巧圖績竟無得也常謂情志所託故當以意爲主以文傳意以意爲主則其旨必見以文傳意則其詞不流然後抽其芬芳振其金石耳此中情性旨趣千條百品屈曲有成理自謂頗識其數嘗爲人言多不能賞意或異故也性別宮商識清濁斯自然也觀古今文人多不全了此處縱有會此者不必從根本中來言之皆有實證非爲空談年少中謝莊最有其分手筆差易文不拘韻故也吾思乃無定方特能濟難適輕重所稟之分猶當未盡但多公家之言少於事外遠致以此爲恨亦由無意於文名故也本未關史書政恒覺其

不可解耳既造後漢轉得統緒詳觀古今著述及評論殆少可意者班氏最有高名既任情無例不可甲乙辨後贊於理近無所得唯志可推耳博瞻不可及之整理未必愧也吾雜傳論皆有精意深旨既有裁味故約其詞句至於循吏以下及六夷諸序論筆勢縱放實天下之奇作其中合者徃徃不減過秦篇嘗共比方班氏所作非但不愧之而已欲徧作諸志前漢所有者悉令備雖事不必多且使見文得盡又欲因事就卷內發論以正一代得失意復未果贊自是吾文之傑思殆無一字空設奇變不窮同舍異體乃自不知所以稱之此書行故應有賞音者紀傳例爲舉其大略耳諸細意甚多自古體大而思精未有此也恐世人不能盡之多貴古賤今所以稱情狂言耳吾於音樂聽功不及自揮但所精非雅聲爲可恨然至於一絕處亦復何異邪其中體趣言之不盡弦外

之意虛響之音不知所從而來雖少許處而旨態無極亦嘗以授人士庶中未有一毫似者此永不傳矣吾書雖小小有意筆勢不快餘竟不成就每愧此名畢自序並實故存之藹幼而整潔衣服竟歲未嘗有塵點死時年二十畢少時兄晏常云此兒進利終破門戶終如晏言

史臣曰古之人云利令智昏甚矣利害之相傾劉湛識用才能實苞經國之略豈不知移弟爲臣則君臣之道用變兄成主則兄弟之義殊乎而義康數懷奸計苟相崇說與夫推長戟而犯魏闕亦何以異哉

蘇州中鳳
氏圖印

宋書卷七十

列傳第三十

蘇州中鳳
氏圖印

表淑

表淑字陽源陳郡陽夏人丹陽尹豹少子也少有風氣年數歲伯
 湛謂家人曰此非凡兒至十餘歲為姑夫王弘所賞不為章句之
 學而博涉多通好屬文辭采道豔縱橫有才辯本州命主簿著作
 佐郎太子舍人並不就彭城王義康命為軍司祭酒義康不好文
 學雖外相禮接意好甚疎劉湛淑從母兄也欲其附已而淑不以
 意由是大相乖失以久疾免官補衡陽王義季右軍主簿遷太
 子洗馬以脚疾不拜衛軍臨川王義慶雅好文章請為諮議參軍
 頃之遷司徒左西屬出為宣城太守入補中書侍郎以母憂去職
 服闋為太子中庶子元嘉二十六年遷尚書吏部郎其秋大舉北

伐淑侍坐從容曰今當鳴鑾中岳席卷趙魏檢玉岱宗今其時也
臣逢千載之會願上封禪書一篇太祖笑曰盛德之事我何足以
當之出爲始興王征北長史南東海太守淑始到府濬引見謂曰
不意舅遂垂屈佐淑答曰朝廷遣下官本以光公府望還爲御史
中丞時索虜南侵遂至瓜步太祖使百官議防禦之術淑上議曰
臣聞函車之獸離山必斃絕波之鱗宕流則枯羯寇遺醜趨致畿
甸蟻萃螽集聞已崩殪天險巖曠地限深遐故全魏戢其圖盛晉
輟其議情屈力殫氣挫勇竭諒不虞於來臨本無怵於能濟矣乃
者熒定攜遠阻違授律由將有弛拙故士少鬪志圍潰之衆匪寇
傾淪攻制之師空自班散濟西勁騎急戰楚旅淮上訓卒簡備靡
旗是由綏整寡衷戎昭多昧遂使栲潞入患泉伊來擾紛殄姬風
泯毒禹績騰書有渭陰之迫懸烽均咸陽之警然而切揣虛實伏

匿先彰校索伎能譎詭旣顯綿地千里彌行阻深表裏躋硤後先
介逼捨陵衍之習競湍沙之利今虹見萍生土膏泉動津陸陷溢
疢禍洊興芻藁已單米粟莫係水寓衿帶進必傾賈河隘扁固退
亦墮滅所謂栖鳥於烈火之上養魚於叢棘之中或謂損緩江右
寬繕淮內竊謂拯扼閩城舊史爲允棄遠涼土前言稱非限此要
荒猶弗委割况連被京國咫尺神甸數州摧掃列邑殲夷山淵反
覆艸木塗地今丘賦千乘井竿萬集肩摩倍於長安締袂百於臨
淄什一而籍實慊氓願履畝以稅旣協農和戶競戰心人含銳志
皆欲贏糧請奮釋緯乘城謂宜懸金鑄印要壯果之士重幣甘辭
招摧決之將舉薦板築之下抽登臺皂之間賞之以焚書報之以
相爵俄而招才賀闕異能閒至戎貪而無謀肆而不整迷乎向背
之次謬於合散之宜犯軍志之極害觸兵家之甚諱咸畜憤矣僉

策戰矣稱願影從謠言緡命宜選敢悍數千驚行潛掩偃旗裹甲
鉗馬銜枚檜稽而起晨壓未陣旌譟亂舉火鼓四臨使景不暇移
塵不及起無不禽鍛獸警水解霧散掃洗哨類漂罔浮山如有決
罅漏網遂窠逗穴命淮汝戈船遏其還逕兗部勁卒梗其歸塗必
剪元雄懸首麾下乃將隻輪不反戰轄無旋矣於是信臣騰威武
士繕力緹組接陰鞞柝聯響若其偽遁羸張出沒無際楚言漢旆
顯默如神固已日月蔽虧川谷蕩質負塞殘孽阻山燼黨收險竊
命憑城借土則當因威席卷乘機芟剽泗汴秀士星流電燭徐阜
嚴兵雨湊雲集蹙亂桑溪之北搖潰瀚海以南絕其心根勿使能
植銜索之枯幾何不蠹是由涸澤而漁焚林而狩若浚風之舞輕
籜杲日之拂浮霜旣而尉洽荷掠之餘望吊網悲之鬼然後天行
樞運焱舉烟外青葢西巡翠華東幸經啟州野滌一軫策俾高闕

再勒燕然復銘方乃奠山沉河創禮輯策闡燿炎昊之遺則貫軼
商夏之舊文今衆賈拳勇而將術疎怯意者稔泰日積承平歲久
邑無驚赴之急家緩餽戰之勤闕閱訓之禮簡參屬之飾且亦薦
採之法庸未旣歟乃若邦造里選擢論深切躬擐盡幽斬帶尋遠
設有沉明能照俊偉自宜誠感泉雨流通金石氣懾飛賁知窮苴
起審邪正順逆之數達昏明益損之宜能睽合民心愚獻物性登
丹墀而敷策躡青蒲而揚謀上說辰鑒下弭素言足以安民紓國
救災恤患則宜拔過寵貴之上褒升戚舊之右別其旂章榮其班
祿出得專譽使不稟命降席折節同廣武之請設壇致禮均淮陰
之授必有要盟之功竊符之捷夷裔暴狠內外侮棄始附之衆分
莠無序蠱以威利勢必攜離首順之徒靡然自及今涑繹故典纏
土纓綏剪焉幽播折首凶狡是猶眇者願明痿之思步動商遄會

功終易感劫晉在於善規全鄭實寄良謀多縱反間汨惑心耳發
險易之前抵興喪之術衝其猜伏拂其嫌嗜汨以連率之貴餌以
析壤之資罄筆端之用展辭鋒之銳振辯則堅圍可解馳羽而巖
邑易傾必府鬲土崩枝幹瓦裂故燕樂相悔項范交疑矣或乃言
約功深事邇應廣齊圍反駕趙養還君盡輿誦之道畢能事之效
臣幸得出內層禁游心明代澤與身忝恩隨年行無以逢迎昌運
潤飾鴻法今塗有遺鏃蠶未息蜂敢思涼識少酬閔施但坐幕旣
乏昭文免胄不能致果竊觀都護之邊論屬國之兵謨終晷之抗
辭杜耿之言事咸云及經之棘猶闕上竿燭郭之敬裁收下策自
恥懦木智不綜微敢露昧見無會昭採淑喜爲誇誕每爲時人所
譏始興王濬嘗送錢三萬餉淑一宿復遣追取謂使人謬誤欲以
戲淑淑與濬書曰袁司直之視館敢寓書於上國之宮尹日者猥

枉泉賦降委弊邑敬事是違無或違貳懼非郊贈之禮覲饗
之資不虞君王惠之於是也是有懵焉弗圖旦夕發咫尺之記籍
左右而請以爲胥授失旨爰速先幣曾是附庸臣委末學孤聞者
如之何勿疑且亦聞之前志曰七年之中一與一奪義士猶或非
之況密邇旬次何其哀益之亟也藉恐二三諸侯有以觀大國之
政是用敢布心腹弊室弱生砥節清廉好是潔直以不邪之故而
貧聞天下寧有昧夫嗟金者哉不腆供賦束馬先璧以俟命唯執
事所以圖之遷太子左衛率元凶將爲弑逆其夜淑在直二更許
呼淑及蕭斌等流涕謂曰王上信讒將見罪廢省內無過不能受
枉明旦便當行大事望相與戮力淑及斌並曰昔古無此願加善
思劭怒變色左右皆動斌懼乃曰臣昔忝伏事常思效節况憂迫
如此輒當竭身奉令淑叱之曰卿便謂殿下真有是邪殿下幼時

嘗患風或是疾動耳劭愈怒因問曰事當克不淑曰居不疑之地何患不克但既克之後爲天地之所不容大禍亦旋至耳願急息之劭左右引淑等袴褶又就王衣取錦截三尺爲一段又中破分斌淑及左右使以縛袴淑出環省繞牀行至四更乃寢劭將出已與蕭斌同載呼淑甚急淑眠終不起劭停車奉化門催之相續徐起至車後劭使登車又辭不上劭因命左右與手刃見殺於奉化門外時年四十六劭卽位追贈太常賜賻甚厚世祖卽位使顏延之爲詔曰夫輕道重義亟聞其教世弊國危希遇其人自非達義之至識正之深者孰能抗心衛主遺身固節者哉故太子左衛率淑文辯優洽秉尚貞慤當要逼之切意色不撓厲辭道逆氣震匈黨虐刃交至取斃不移古之懷忠隕難未云出其右者興言嗟悼無廢乎心宜在加禮永旌宋有臣焉可贈侍中太尉謚曰忠憲公

又詔曰袁淑以身殉義忠烈邈古遺孤在疚特所矜懷可厚加賜卹以慰存亡淑及徐湛之江湛王僧綽卜天與四家於是長給稟祿文集傳於世子幾斂稜凝標斂世宗步兵校尉凝太宗世御史中丞出爲晉陵太守太宗初與四方國反兵敗歸降以補劉湛冠軍府主簿淑諸子竝早卒

史臣曰天長地久人道則異於斯薜華朝露未足以言也其閒天遽曾何足云宜任心去留不以存沒嬰心徒以靈化悠遠生不再來雖天行路險而未之斯遇謂七尺常存百年可保也所以據洪圖而輕天下恡寸陰而敗尺璧若乃義重平生空炳前誥投軀殉主世罕其人若無陽源之節丹青何貴焉爾

宋書卷七十一

列傳第三十一

魏山田圖
氏圖圖圖

徐湛之

江湛

王僧綽

徐湛之字孝源東海鄉人司徒羨之兄孫吳郡太守佩之弟子也
祖欽之祕書監父達之尚高祖長女會稽公主為振威將軍彭城
沛二郡太守高祖諸子竝幼以達之姻戚將大任之欲先令立功
及討司馬休之使統軍為前鋒配以精兵利器事尅當即授荊州
休之遣魯宗之子軌擊破之於陣見害追贈中書侍郎湛之幼孤
為高祖所愛常與江夏王義恭寢食不離於側永初三年詔口永
興公主一門嫡長早罹辛苦外孫湛之特所鍾愛且致節之胤情

及古同

實兼常可封枝江縣侯食邑五百戶年數歲與弟淳之共車行牛
奔車壞左右馳來赴之湛之先令取弟衆咸歎其幼而有識及長
頗涉大義善自持持事祖母及母並以孝謹聞元嘉二年除著作
佐郎員外散騎侍郎並不就六年東宮始建起家補太子洗馬轉
國子博士遷奮威將軍南彭城沛二郡太守徙黃門侍郎祖母年
老辭以朝直不拜復授二郡加輔國將軍遷祕書監領右軍將軍
轉侍中加驍騎將軍復爲祕書監加散騎常侍驍騎如故會稽公
主身居長嫡爲太祖所禮家事大小必咨而後行西征謝晦使公
主留止臺內總攝六宮忽有不得意輒號哭上甚憚之初高祖微
時貧陋過甚嘗自新洲伐荻有納布衫襖等衣皆敬皇后手自作
高祖旣貴以此衣付公主曰後世若有驕奢不節者可以此衣示
之湛之爲大將軍彭城王義宣所愛與劉湛等頗相附協及劉湛

得罪事連湛之太祖大怒將致大辟湛之憂懼無計以告公主公
主卽日入宮旣見太祖因號哭下牀不復施臣妾之禮以錦囊盛
高祖納衣擲地以示上曰汝家本貧賤此是我母爲汝父作此納
衣今日有一頓飽食便欲殘害我兒子上亦號哭湛之由此得全
也遷中護軍未拜又遷太子詹事尋加侍中湛之善於尺牘音辭
流暢貴戚豪家產業甚厚室宇園池貴遊莫及伎樂之妙冠絕一
時門生千餘人皆三吳富人子姿質端妍衣服鮮麗每出入行
遊塗巷盈滿泥雨日悉以後車載之太祖嫌其侈縱每以爲言時
安成公何勗无忌之子也臨汝公孟靈休昶之子也並各奢豪與
湛之共以肴膳器服車馬相尚京邑爲之語曰安成食臨汝飾湛
之二事之美兼於何孟勗官至侍中追謚荒公靈休善彈碁官至
祕書監湛之遷冠軍將軍丹陽尹進號征虜將軍加散騎常侍以

公主憂不拜過墓復授前職湛之表啟固辭又詣廷尉受罪上詔
獄官勿得受然後就命固辭常侍許之二十二年范畢等謀逆湛
之始與之同後發其事所陳多不盡爲畢等款辭所連乃詣廷尉
歸罪上慰遣令還郡湛之上表曰賊臣范畢孔熙先等連結謀逆
法靜尼宣分往還與大將軍臣義康共相唇齒備於鞠對伏尋仲
承祖始達熙先等意便極言姦狀而臣兒女近情不識大體上聞
之初不務指斥紙翰所載尤復漫略者實以凶計旣表逆事歸露
又仰緣聖慈不欲窮盡故言勢依違未敢縷陳情旨無隱已昭天
鑒及羣凶收禽各有所列畢等口辭多見誣謗承祖醜言紛紜特
甚乃云臣與義康宿有密契在省之言期以爲定潛通姦意報示
天文末云熙先縣指必同以誑於畢或以智勇見稱或以愚懦爲
目旣美其信懷可覆復駭其動止必啟凡諸詭妄還自違伐多舉

事端不究源統齋傳之信無有主名所徵之人又已死沒首尾乖
互自爲矛盾卽臣誘引之辭以爲始謀之證銜臣糾告並見怨咎
縱肆狂言必見禍陷伏自探省亦復有由昔義康南出之始敕臣
入相伴慰晨夕覲對經踰旬日逆圖成謀雖無顯然懟容異意頗
形言旨遺臣利刃期以際會臣苦相諫譬深加距塞以爲怨憤所
至不足爲慮便以關啟懼成虛妄思量反覆實經愚心非爲納受
曲相蔽匿又令申請范畢釋中間之憾致懷蕭思話恨婚意未申
謂此僥幸亦不宣達陛下敦惜天倫彰於四海藩禁優簡親理咸
通又昔蒙眷顧不容自絕音翰信命時相往來或言少意多旨深
文淺辭色之間往往難測臣每懼異聞皆略而不答惟心無邪悖
故不稍以自嫌悽悽丹實具如此啟至於法靜所傳及熙先等謀
知實不早見關之日便卽以聞雖晨光幽燭曲昭窮欵裁以正義

無所逃刑東骸北闕請罪司寇乾施舍宥未加治考中旨頻降制使還往仰荷恩私哀惶失守臣殃積罪深丁罹酷罰久應屏棄永謝人理况奸謀所染忠孝頓闕智防愚淺闇於禍萌士類未明其心羣庶謂之同惡朝野側目衆議沸騰專信讎隙之辭不復稍相申體臣雖驚下情非木石豈不知醜點難嬰伏劔爲易而覲然視息恐此餘生實非苟去微命假延漏刻誠以負戾灰滅貽惡方來貪及視息少自披訴冀幽誠丹款儻或昭然雖復身膏草土九泉無恨顯居官次垢穢朝班庠顏何地可以自處乞蒙墮放伏待鈇鑕上優詔不許二十四年服闋轉中書令領太子詹事出爲前軍將軍南兗州刺史善於爲政威惠並行廣陵城舊有高樓湛之更加脩整南望鍾山城北有陂澤水物豐盛湛之更起風亭月觀吹臺琴室果竹繁茂花藥成行招集文士盡游玩之適一時之盛也

時有沙門釋惠休善屬文辭采綺豔湛之與之甚厚世祖命使還俗本姓湯位至揚州從事史二十六年復入爲丹陽尹領太子詹事將軍如故二十七年索虜至瓜步湛之領兵置佐與皇太子分守石頭二十八年春魯爽兄弟率部曲歸順爽等魯軌子也湛之以爲廟筭遠圖特所獎納不敢苟申私怨乞屏居田里不許轉尚書僕射領護軍將軍時尚書令何尚之以湛之國戚任遇隆重欲以朝政推之凡諸辭訴一不料省湛之亦以職官記及令文尚書令敷奏出內事無不總令缺則僕射總任又以事歸尚之互相推委御史中丞袁淑並奏免官詔曰令僕治務所寄不共求體當而互相推委糾之是也然故事殘舛所以致茲疑執特無所問時詳正之乃使湛之與尚之並受辭諱尚之雖爲令而朝事悉歸湛之初劉湛伏誅殷景仁卒太祖委任沈演之庾炳之范曄等後又有

江湛何瑀之輩誅炳之免演之瑀之並卒至是江湛爲吏部尚書與湛之並居權要世謂之江徐焉上每有疾湛之輒入侍醫藥二凶巫蠱事發上欲廢劾賜瘞死而世祖不見寵故累出外蕃不得停京輦南平王鑠建平王宏並爲上所愛而鑠妃卽湛妹勸上立之元嘉末徵鑠自壽陽入朝旣至又失旨欲立宏嫌其非次是以議久不決與湛之屏人共言論或連日累夕每夜常使湛之自秉燭繞壁檢行慮有竊聽者劾入弑之且其夕上與湛之屏人語至曉猶未滅燭湛之驚起趣北戶未及開見害時年四十四世祖卽位追贈司空加散騎常侍本官如故謚曰忠烈公又詔曰徐湛之江湛王僧綽門戶荼酷遺孤流寓言念旣往感痛兼深可令歸居本宅厚加恤賜於是三家長給廩三子聿之謙之爲元凶所殺恒之嗣侯尚太祖第十五女南陽公主蚤卒無子聿之子孝嗣紹封

齊受禪國除

江湛字徽淵濟陽考城人湘州刺史夷子也居喪以孝聞愛好文義喜彈碁鼓琴兼明算術初爲著作佐郎遷彭城王義康司徒行參軍南譙王義宣左軍功曹復爲義康司徒主簿太子中舍人司空檀道濟爲子求湛妹婚不許義康有命又不從時人重其立志義康欲引與日夕湛固求外出乃以爲武陵內史還爲司徒從事中郎遷太子中庶子尚書吏部郎隨王誕爲北中郎將南徐州刺史以湛爲長史南東海太守政事委之元嘉二十五年徵爲侍中任以機密領本州大中正遷左衛將軍時改選學職以太尉江夏王義恭領國子祭酒湛及侍中何攸之領博士二十七年轉吏部尚書家甚貧約不營財利餉饋盈門一無所受無兼衣餘食嘗爲上所召值絺衣稱疾經日衣成然後赴牛餓馭人求草湛良久曰

可與飲在選職頗有刻覈之譏而公平無私不受請謁論者以此稱焉上大舉北伐舉朝爲不可唯湛贊成之索虜至瓜步領軍將軍劉遵考率軍出江上以湛兼領軍軍事處分一以委焉虜遣使求婚上召太子劭以下集議衆並爲宜許湛曰戎狄無信許之無益劭怒謂湛曰今三王在阨詎宜苟執異議聲色甚厲坐散俱出劭使班劔及左右推之殆將側倒劭又謂上曰北伐敗辱數州淪破獨有斬江湛可以謝天下上曰北伐自我意江湛但不異耳劭後燕集未嘗命湛嘗謂上曰江湛佞人不宜親也上乃爲劭長子偉之娉湛第三女欲以和之上將廢劭使湛具詔艸劭之入弒也湛直上省聞叫譟之聲乃匿傍小屋中劭遣收之舍吏給云不在此兵士卽殺舍吏乃得湛之湛之據窗受害意色不撓時季四十六湛五子恁恕恣法壽皆見殺初湛家數見怪異未敗少日所眠

牀忽有數升血世祖卽位追贈左光祿大夫開府儀同三司加散騎常侍本官如故謚曰忠簡公長子恁尚太祖第九女淮陰長公主爲著作佐郎

王僧綽琅邪臨沂人左光祿大夫曇首子也幼有大成之度弱年衆以國器許之好學有理思練悉朝典年十三太祖引見下拜便流涕哽咽上亦悲不自勝襲封豫章縣侯尚太祖長女東陽獻公主初爲江夏王義恭司徒參軍轉始興王文學祕書丞司徒左長史太子中庶子元嘉二十六年徙尚書吏部郎參掌大選究識流品諳悉人物拔才舉能咸得其分二十八年遷侍中任以機密僧綽沈深有局度不以才能高人先是父曇首與王華並爲太祖所任華子嗣人才旣劣位遇亦輕僧綽嘗謂中書侍郎蔡興宗曰弟名位應與新建齊起至今日益由姻戚所致也新建者嗣之封也

及爲侍中時年二十九始興王濬嘗問其年僧綽自嫌蚤達逡巡良久乃答其謙虛自退若此元嘉末太祖頗以後事爲念以其年少方欲大相付託朝政小大皆與參焉從兄徽清介士也懼其太盛勸令損抑僧綽乃求吳郡及廣州上並不許會二凶巫蠱事泄上獨先召僧綽具言之及將廢立使尋求前朝舊典劭於東宮夜饗將士僧綽密以啟聞上又令撰漢魏以來廢諸王故事撰畢送與江湛徐湛之湛之欲立隨王誕江湛欲立南平王鐸太祖欲立建平王宏議久不決誕妃卽湛之女鐸妃卽湛妹太祖謂僧綽曰諸人各爲身計便無與國家同憂者僧綽曰建立之事仰由聖懷臣謂唯宜速斷不可稽緩當斷不斷反受其亂願以義割思略小不忍不爾便應坦懷如初無煩疑論淮南云以石投水吳越之善沒取之事機雖密易致宣廣不可使難生慮表取笑千載上曰卿

可謂能斷大事此事重不可不殷勤三思且庶人始亡人將謂我無復慈愛之道僧綽曰臣恐千載之後言陛下唯能裁弟不能裁兒上默然江湛同侍坐出閣謂僧綽曰卿向言將不太傷切直僧綽曰弟亦恨君不直及劭弒逆江湛在尚書上省聞變歎曰不用僧綽言以致於此劭旣立轉爲吏部尚書委以事任事在二凶傳頃之劭料檢太祖巾箱及江湛家書疏得僧綽所啟饗士并廢諸王事乃收害焉時年三十一因此陷北第諸王侯以爲僧綽有異志并殺僧綽門客太學博士賈匪之奉朝請司馬文穎建平國常侍司馬仲秀等世祖卽位追贈散騎常侍金紫光祿大夫謚曰愍侯初太社西空地一區吳時丁奉宅孫皓流徙其家江左初爲周顛蘇峻宅其後爲袁悅宅又爲章武王司馬秀宅皆以凶終後給臧壽亦頗遇喪禍故是稱爲凶地僧綽常以正達自居謂宅無吉

凶請以爲第始就造築未及居而敗子儉嗣昇明末爲齊國尚書右僕射

史臣曰甚矣朱氏之家難也讎釁所鍾親地兼極雖復傾天滅道迹非嫌路而災隙內兆邪蠱外興天性旣離愛敬同盡探雀請能非無前釁猜防之道有未足乎世祖弱年輕躁夙無朝寵累任邊外未嘗居中當璧之重將由愛立臣主回疑事無蚤斷若使守器以長命不待賢則密禍自銷危機可免聖哲之訓豈欺我哉昔山濤舉羊祜爲太子太傅益欲以後事委之而羊公短世僧綽綽繆主心將任以國重而宮車晏駕二臣並以道德謙沖名高兩代昨未中年功謝成日惜矣哉

宋書卷七十一

列傳第三十一終

晉書卷七十一

宋書卷七十二

列傳第三十二

晉書卷七十二

文九王

文帝十九男元皇后生劭潘淑妃生濟路淑媛生孝武帝吳淑儀生南平王鐔高修儀生廬陵昭王紹殷修華生竟陵王誕曹婕妤生建平宣簡王宏陳修容生東海王禕謝容華生晉熙王昶江修儀生武昌王渾沈婕妤生明帝楊修儀生建安王仁仁那美人生晉平王休祐蔡美人生海陵王休茂董美人生鄱陽哀王休業顏美人生臨慶沖王休倩陳美人生新野懷王夷甫荀美人生桂陽王休範羅美人生巴陵哀王休若劭濬誕禕渾休茂休範別有傳紹出繼廬陵孝獻王義真

南平穆王鐔字休玄文帝第四子也元嘉十七年都督湘州諸軍

事冠軍將軍湘州刺史不之鎮領石頭戍事二十二年遷散騎常都督南豫豫司雍秦并六州諸軍事南豫州刺史時太祖方事外略乃罷南豫併壽陽卽鑠爲豫州刺史尋領安蠻校尉給鼓吹一部二十六年進號平西將軍讓不拜索虜大帥拓跋燾南侵陳頴遂圍汝南懸瓠城行汝南太守陳憲保城自固賊晝夜攻圍之憲且守且戰矢石無時不交虜多作高樓施弩以射城內飛矢雨下城中負尸以汲又毀佛浮圖取金像以爲大鈞施之衝車端以牽樓堞城內有一沙門頗有機思輒設奇以應之賊多作蝦蟆車以填塹因薄攻城憲督厲將士固女牆而戰賊之死者屍與城等遂登屍以陵城短兵相接憲銳氣愈奮戰士無不一當百殺傷萬計汝水爲之不流相拒四十餘日鑠遣安蠻司馬劉康祖與寧朔將軍臧質救之虜燒攻具走二十七年大舉北伐諸蕃並出師鑠遣

中兵參軍胡盛之出汝南上蔡向長社長社戍主魯爽委城奔走旣克長社遣幢主王陽兒張略等進據小索僞豫州刺史僕蘭於大索率步騎二千攻陽兒陽兒擊大破之到坦之等進向大索勞楊氏鄭德玄張和各起義以應坦之僕蘭奔虎牢會王陽兒等至卽據大索因向虎牢鑠又遣安蠻司馬劉康祖繼坦之虜永昌王宜勤仁庫真救虎牢坦之敗走虜乘勝逕進於尉氏津逢康祖康祖戰敗見殺賊進脅壽陽因東過與燾會於江上二十八年夏虜荊州刺史魯爽及弟秀等率部曲詣鑠歸順其年七月鑠所生吳淑儀薨鑠歸京師薨還攝本任時江夏王義恭領兗州刺史鎮盱眙丁母憂還京師上以克土彫荒罷南兗併南徐州當別置淮南都督任盱眙開創屯田應接遠近欲以授鑠旣而收授散騎常侍撫軍將軍領兵戍石頭元凶弒立以爲中軍將軍護軍常侍如

故世祖入討劭屯兵京邑使鑠巡行撫勞劭還立南兗以鑠為使持節都督南兗徐兗青冀幽六州諸軍事征虜將軍開府儀同三司南兗州刺史常侍如故柳元景至新亭劭親自攻之挾鑠自隨江夏王義恭南奔使鑠守東府以腹心防之進授侍中驃騎將軍錄尚書事餘如故劭迎蔣侯神於宮內疏世祖年諱厭祝祈請假授位號使鑠造策文及義軍入宮鑠與濬俱歸世祖濬即伏法上迎鑠入營當時倉卒失國璽事寧更鑄給之進侍中司空領兵置佐以國哀未闕讓侍中鑠素不推事世祖又為元凶所任上乃以藥內食中毒殺之時年二十三追贈侍中司徒三子敬猷敬淵敬先敬猷嗣官至黃門郎敬淵初封安南縣侯官至後軍將軍敬先繼廬陵王紹前廢帝景和末召鑠妃江氏入宮使左右於前逼迫之江氏不受命謂曰若不從當殺汝三子江氏猶不肯於是遣使

於第殺敬猷敬淵敬先鞭江氏一百其夕廢帝亦殞太宗即位追贈敬猷侍中謚曰懷王追贈敬淵黃門侍郎謚曰悼侯改封孝武帝第十八子臨賀王子產字孝仁為南平王繼鑠後未拜被殺泰始五年立晉平王休祐第七子宣曜為南平王繼鑠休祐死宣曜被廢還本後廢帝元徽元年立衡陽恭王嶷第二子伯玉為南平王繼鑠後官至給事中昇明二年謀反誅國除

建平宣簡王宏字休度文帝第七子也早喪母元嘉二十一年年十一封建平王食邑二千戶少而閑素篤好文籍太祖寵愛殊常為立第於雞籠山盡山水之美建平國職高他國一階二十四年為中護軍領石頭戍事出為征虜將軍江州刺史二十八年徵為中書令領驍騎將軍元凶弒立以宏為左將軍丹陽尹又以為散騎常侍鎮軍將軍江州刺史世祖入討劭錄宏殿內世祖先嘗以

關手板與宏宏遣左右親信周法道齋手板詣世祖事平以爲尚書左僕射使奉迎太后還加冠軍將軍中書監僕射如故臧質爲逆宏以仗士五十人入六門爲人謙儉周慎禮賢接士明曉政事上甚信仗之時普責百官讜言宏議曰臣聞建國之道咸殊興王之政不一至於開諫致寧防口取禍固前正同軌後主共則秦殷之敗語戮刺亡周漢之盛謗升箴顯陛下以至德神臨垂精思治進儒禮而崇寬教哀獄法而黜嚴刑表忠行而舉貞節辟處士而求賢異修廢宮而出滯賞撤天膳而重農食祭貴遊而弛權酷通山澤而易關梁固已海內仰道天下知德今復開不諱之塗獎直辭之路四海希風普天幸甚舉蒙採問敢不悉心謹條鄙見置陳如左辭理違謬伏用震懼天用兵之道自古所慎頃干戈未戢戰備宜修而卒不素練兵非夙習且戎衛之職多非其才或以資厚

素加或以祿薄帶帖或寵由權門恩自私假旣無將領虛尸榮祿至於邊城舉燧羽驛交馳而望其隈甲推鋒立功闔外譬緣木求魚不可得矣常謂臨難命師皆出倉卒驅烏合之衆隸造次之主貌疎情乖有若胡越豈能使其同力拔危濟難故奔北相望覆敗繼有今欲改選將校皆得其人分臺見將各以配給領護二軍爲其總統令撫養士卒使恩信先加農隙校獵以習其事三令五申以齊其心使動止應規進退中律然後畜銳觀釁因時而動摧敵陷堅折衝于外孫子曰視卒如赤子故可與之共死所以張參效爭先之心吮癰致必盡之命豈不由恩著者士輕其生命明者卒畢其力考心迹事如或有在妄陳膚知追懼乖謬轉尚書令加散騎常侍將軍如故給鼓吹一部尋進號衛將軍中書監尚書令如故宏少而多病大明二年疾動求解尚書令以本號開府儀同三

司加散騎常侍中書監如故未拜其年薨時年二十五追贈侍中
司徒中書監如故給班劍二十人上痛悼甚至每朔望輒出臨靈
自爲墓誌銘并序與東揚州刺史顏峻詔曰宏夙情業尚素心令
績雖年未及壯願言兼申謂天道可倚輔仁無妄雖寢患淹時慮
不至禍豈圖祐善虛設一旦永謝驚惋摧慟五內交殞平生未遠
舉目如昨而賞對遊娛緬同千載哀酷纏綿實增痛切卿情均休
戚重以周旋乖圻少時奄成今古聞問傷惋當何可言五年益諸
弟國各千戶先薨者不在其例唯宏追益子景素少愛文義有父
風大明四年爲寧朔將軍南濟陰太守徙歷陽南譙二郡太守將
軍如故中書侍郎不拜監南豫豫二州諸軍事輔國將軍南豫州
刺史又不拜太宗初太子中庶子領步兵校尉太子左衛率加給
事中冠軍將軍南兗州刺史丹陽尹吳興太守使持節監湘州諸

軍事湘州刺史將軍並如故進號左將軍泰始六年都督荆湘雍
益梁寧南北秦八州諸軍事左將軍荆州刺史持節如故徵爲散
騎常侍後將軍太常未拜授使持節都督南徐南兗徐青冀六
州諸軍事鎮軍將軍南徐州刺史桂陽王休範爲逆景素雖纂集
兵衆以赴朝廷爲名而陰懷兩端及事平進號鎮北將軍齊王爲
南兗州景素解都督時太祖諸子盡殂衆孫唯景素爲長建安王
休祐諸子並廢徙無在朝者景素好文章書籍招集才義之士傾
身禮接以收名譽由是朝野翕然莫不屬意焉而後廢帝狂凶失
道內外皆謂景素宜當神器唯廢帝所生陳氏親戚疾忌之而楊
運長阮佃夫並太宗舊隸貪幼少以久其權慮景素立不見容於
長王深相忌憚元徽三年景素防閤將軍王季符失景素旨怨恨
因單騎奔京邑告運長佃夫云景素欲反運長等便欲遣軍討之

齊王及衛將軍表粲以下並保持之謂爲不然也景素亦馳遣世子延齡還都具自申理運長等乃徙季符於梁州又奪景素征北將軍開府儀同三司自是廢帝狂悖日甚朝野並屬心景素陳氏及運長等彌相猜疑景素因此稍爲自防之計與司馬廬江何季穆錄事參軍陳郡殷灞記室參軍濟陽蔡履中兵參軍略陽垣慶延左右賀文超等謀之以參軍沈顥母丘文子左暄州西曹王潭等爲爪牙季穆薦從弟豫之爲參軍景素遣豫之潭文超等去來邑多與金帛要結才力之上由是冠軍將軍黃回之潭文超等去來將軍曹欣之前軍韓道清長水校尉郭蘭之羽林監垣祗祖並皆響附其餘武人失職不得志者莫不歸之時廢帝單馬獨出遊走郊野曹欣之謀據石頭韓道清郭蘭之欲說齊王使同若不回者圖之候廢帝出行因衆作難事克奉景素景素每禁駐之未欲怒

怒舉動運長密遣僖人周天賜僞投景素勸爲異計景素知爲運長所遣卽斬之遣司馬孫謙送首還臺元徽四年七月垣祗祖率數百人奔景素云京邑已潰亂勸令速入景素信之卽便舉兵負戈至者數千人運長等常疑景素有異志及聞祗祖叛走便募嚴備辦齊王出屯玄武湖冠軍將軍任農夫黃回左軍將軍李安民各領步軍右軍將軍張保率水軍竝北討冠軍將軍南豫州刺史段佛榮爲都統其餘衆軍相繼進冠軍將軍齊王世子鎮東府城里以拒臺軍垣慶延祗祖沈顥等曰今天時旱熱臺軍遠來疲困引之使至以逸待勞可一戰而克也殷灞等固爭不能農夫等旣至放火燒市邑而垣慶延等各相顧望並無鬪志景素本乏威略恒擾不知所爲時張保水軍泊西渚景素左右勇士數十人並荆

楚快手自相要結擊水軍應時摧陷斬張保而諸將不相應赴復
爲臺軍所破臺軍旣薄城池顛先衆叛走垣祇祖次之其餘諸軍
相係奔敗左暄驍果有脏力欲爲景素盡節而所配兵力甚弱猶
力戰不退於萬歲樓下橫射臺軍不能禁然後退散右衛殿中將
軍張倪奴前軍將軍周盤龍攻陷京城倪奴禽景素斬之時年二
十五卽葬京口垣慶延祇祖左暄賀文超並伏誅殷灞蔡履徙梁
州何季穆先遷官故不及禍其餘皆逃亡值赦得免景素旣敗曹
欣之反告韓道清郭蘭之之謀道清等並誅黃回高道慶等齊王
撫之如舊景素子延齡及二少子並從誅其年冬封長沙成王義
欣子勳第三子恬爲秭歸縣侯食邑千戶繼宏後順帝昇明二年
卒國除張倪奴以禽景素功封筑陽縣侯食邑千戶景素敗後故
記室參軍王嶠故主簿何昌寓並上書訟景素之寃齊受禪建元

初故景素秀才劉璉又上書曰臣聞曾子孝於其親而沈乎水介
生忠於其主而焚於火何則仁也不必可依信也不必可恃昔者
墨翟議雲梯於荆臺之下宋人逐之夷叔爲衛軍隱難於晉公子
殪之李牧北逃彊胡之旗南拒全秦之卒趙左不圖其功賜以利
劍陳蕃白首固義忘生事主漢靈不明其忠卒被刑戮彼數子者
皆身栖青雲之上而困於泥塵之裏誠以危行不容於衰世孤立
聚尤於衆人如讒諂蛆蠱其中謗隙蜂飛而至故也臣聞浸潤之
行骨肉離絕疑似一至君臣易心此中山所以歔歔奏樂孟博所
以慷慨囊頭者也臣每惟故舉將宋建平王之禍悲徹骨髓氣凝
霜霰今璇鼎啟運人神改物生罪尚宥死寃必申臣誠不忍王之
負謗而不雪故敢明言其理臣聞孝悌爲志者不以犯上曾子不
逆薪而甕知其不爲暴也秦仁獲麇知其可爲傳也臣聞王之事

獻太妃也朝夕不違養甘苦不見色帳下進珍饌太妃未食王投箸輟飯太妃起居不安王傍行蓬髮臣聞求忠臣者於孝子之門安有孝如王而不忠者乎其可明一也當泰始元徽中王公貴人無謁景寧陵者王獨抗情而行不以趨時捨義出鎮入朝必俛拜陵所王尚不棄先君豈背今君乎其可明二也王博聞而容衆與諫而愛士與人言响响若有傷聞人之善譽而進之見人之惡掩而誨之李蔚之蓬廬之寒素也王枉駕而訊之何季穆等宜簡王之舊也王提挈以升之王虛已以厚天下之士尚不欲傷一人之心何乃親戚圖相渣膾乎其可明三也臣昔以法曹參軍奉訊於聽朝之末王每斷獄降聲辭和顏色以待士女之訟時見夏伯以童子縲繫王愴然改貌用不加刑徐州嘗歲饑王散秩粟俸帛以繼民之乏蠲理寃疑咸息絲務所在皆有愛於民臣聞善人國

之紀也安有仁於民庶而虐其宗國者乎其可明四也王修身潔行言無近雜內去酌約之娛外無田弋之好毋所臨踐不加穿築直衛不繁第宅無改荆州高齋刻楹栢構王廢而不處昔朝廷欲賜王東陵甲第又辭而不當兩宮所遺珍玩塵於笥篋無它嬖私不耽內寵姬媵數人皆詔令所賜王身食不踰一肉器用瓦素時有獻鏤玉器王顧謂何昌寓曰我持此安所用哉乃謝而反之王恭已蹈義若此其可明五也王之在荆州也時獻太妃初薨宋明帝新棄天下京畿諸王又相繼非命王乃徵入爲太常楚下人士並勸勿下王謂爲臣而距先皇之命不忠爲子不奉親之寃安不孝於是棄西州之重而匍伏北闕王若志欲偃彊便應高枕江漢何爲屈折而受制於人乎其可明六也王名高海內義重太山耆幼懷仁士庶慕德故從昏者忌明同枉者毀正搦弦爲鈞張一作

百行坐欬噎皆生風塵會王季符負臯流謗事會讒人之心權醜
相扇鴟梟奮翼王雖遺愍離凶而誠分彌欵散情中乎揮席滿素
虞玩之銜使歸旋世子入質京邑續解徐州請身東第後求會稽
降階外撫虞玩殷煥實爲詮譯誠心殷勤備留聖聽王若俯張跋
扈何事若斯其可明七也自是以後日同殊論蒼梧之衰德旣彰
羣小之姦慝彌廣下盈其毒上不可依時長王並見誅鋤公卿如
蹈虎尾衆人翕翕莫不住仰於王廂閣諸人同謀異志王心不從
利忠不背本執周天賜而斬之以距王宜與等遣司馬孫謙歸款
朝廷王若欲擬非覬寧當如此乎其可明八也又是年五月以後
道路皆謂阮佃夫等欲潛圖宮禁因兵北襲而黃回高道慶等傳
構其事武人獎亂更相恐脅至六月而京師徵賦車徒將講北壘
壘都鄙疑駭僉言農作垣祗祖因民情喜蕩揚聲北奔給辭惑衆

窮亂極會州人自都還說掖門已閉殊不知臺中安不王旣素
籍異論謂爲信然收率疲弱志在投散米炭在懷但恐遲後何圖
兵以順出翻爲逆動乎夫往來之人誼譁幻惑皆出輦轂非從徐
州起也且臺以六月晦夜無何呼北兵已至皆登陴抽刃而朱方
七月朔猶緩帶從容其晚聞京都變亂始乃鳩兵簡甲耳王豈先
造禍哉其可明九也王聞京室有難坐不安食不甘言及太后未
嘗不交巾掩泣又臨危之際撫楹而歎曰吾恐三才於斯絕矣茲
豈不誠在本朝以天下爲憂乎自非深忠遠繫孰能身滅之不恤
獨眷眷國家安危哉其可明十也夫王起兵之日止在匡救昏難
放殛姦盜非它故也請較言之當時君臣之道治亂云何楊運長
阮佃夫爲有臯邪爲無臯邪若其無臯何故爲戮若其有臯討之
何辜王豈不知君親之無將乎顧以救火之家豈遑先白丈人非

不恭也徒以運屬陵喪智力無所用之蹉跌傾覆此乃時也豈謂
反乎果然今日王亡明日宋亡王何負於社稷何媿於天下哉臣
聞武王克商未及下車而封王子之墓漢高定天下過大梁躡燕
代修信陵之祀存望諸之裔晉世受命亦追王陵之寃而詔其孫
為郎夫比于殷辛之罪人也無忘魏之疑臣也樂毅燕之逃將也
彥雲齊之賊而晉害也適逢聖明之君革運創制昭功誠蕩嫌怨
請議以天下之善也或殊世而相明故四賢咸濟其令問三后馳
光於萬葉君子榮其輝小人服其義今陛下尊英傑高軌振逸
世之奇聲何至仍衰世之異議以掩賢入之名哉若王之中外不
明終始愜德臣懼方今之人不復為善矣且世之興衰何代無有
今齊苗裔萬世之後其能無污隆乎苟前良可廢何以勸後之能
者伏願上同周漢西晉之如彼下為來胤垂範之如此儻能降明

詔箋枉道使往王得洗謗議拯冥魂賜以王禮反葬則民之從義
猶若回風之卷草也臣聞鶴鳴臯垤則降陰吐雨騰蛇聳躍而沈
雲鬱冥但傷臣言輕落毛身如橫芥神高聽邈終焉莫省直欲內
不負心庶將來知王之意耳又不省至今上即位乃下詔曰宋建
平王劉景素名父之子少敦清尚雖末路失圖而原心有本年流
運改宜弘優澤可聽以王禮還葬舊墓

晉熙王昶字休道文帝第九子也元嘉二十二年年十歲封義陽
王食邑二千戶二十七年為輔國將軍南彭城下邳二郡太守元
凶弒立加散騎常侍世祖踐祚遷太常出為東中郎將會稽太守
尋監會稽東陽臨海永嘉新安五郡諸軍事孝建元年立東揚州
郡昶為刺史東中郎將如故進號後將軍大明元年徵為祕書監
領驍騎將軍加散騎常侍遷中軍將軍南彭城下邳二郡太守又

出爲都督江州鄧州之西陽豫州之新蔡晉熙二郡諸軍事前將軍江州刺史三年徵爲護軍將軍給鼓吹一部增邑千戶轉中書令中軍將軍尋以本號開府儀同三司加散騎常侍太常從世祖南巡坐斥皇太后龍舟免開府尋又以加授前廢帝卽位出爲使持節都督徐兗南兗青冀幽六州豫州之梁郡諸軍事征北將軍徐州刺史加散騎常侍開府如故昶輕訛褊急不能祇事世祖大明中常被嫌責民間誼然常云昶當有異志永光景和中此聲轉甚廢帝旣誅羣公彌縱狂悖常語左右曰我卽大位來遂未嘗戒嚴使人邑邑江陵王義恭誅後昶表入朝遣典籤籙法生銜使帝謂法生曰義陽不宰謀反我正欲討之今知求還甚善又屢詰問法生義陽謀反何故不殺法生懼禍叛走還彭城帝因此北討親率衆過江法生旣至昶卽聚衆起兵統內諸郡並不受命斬昶使

將佐文武悉懷異心昶知其不捷乃夜與數十騎開門北奔索虜棄母妻唯攜愛妾一人作丈夫服亦騎馬自隨昶家還都二妾各生一子時太宗已卽位名長者曰思遠小者曰懷遠尋並卒追封懷遠爲池陽縣侯食邑千戶泰始六年以第六皇子燮字仲綏繼昶改昶封爲晉熙王燮襲爵食邑三千戶太宗旣以燮繼昶乃下詔曰夫虎狼護子猴猿負孫毒性薄情亦有仁愛故識念氣類尚均羣品況在人倫可忘天屬晉熙太妃謝氏沈刻無親物理罕比征北公雖孝道無替而遭此不慈自少及長闕恩鞠之關乃至休否莫關寒溫不訪晨昏屏塞定省靡因事無違忤動致誚責毒句發口人所難聞加惡備苦過於讎隙遂事憤於宗姻義傷於行路公故妃郝氏婦禮無違逢此嚴酷遂以憂卒用天盛年又謝氏食則豐珍衣則文麗奉已之餘播單羣下而諸孫纘不溫體食不充

饑付於姆孀之手縱以任軍之路遇其所生棄若糞土繼縷比於
重囚窮困過於下使誠皇規方遠沙塞將一公脩短不諱亦難豫
圖兼妾女累弱一第領王防閑之道人理斯急朕所以詔第六子
燮奉公爲胤欲以毗整一門爲公繼紹但謝氏待骨肉至親尚相
棄蔑況以義合免苦爲難患萌防漸危機須斷便可還其本家削
絕蕃秩先是改謝氏爲射氏時王幼時艱宗室寡弱元徽元年燮
年四歲以爲使持節監郢州豫州之西陽司州之義陽二郡諸軍
事征虜將軍郢州刺史以黃門郎王奐爲長史總府州之任明年
太尉江州刺史桂陽王休範舉兵逼朝廷燮遣中兵參軍馮景祖
襲尋陽休範留中兵參軍毛思連州別駕程罕之居守開門詣景
祖降燮號安西將軍加督江州諸軍事復昶所生謝氏爲晉熙
國太妃四年又進燮鎮西將軍加鼓吹一部順帝卽位徵爲使持

節都督揚南徐二州諸軍事撫軍將軍揚州刺史先是齊世子爲
燮安西長史行府州事時亦被徵爲左衛將軍與燮俱下會荊州
刺史沈攸之舉兵反世子因奉燮鎮尋陽之彭城據中流爲內外
形援攸之平燮還京邑齊王爲南徐州燮解督南徐進督南豫江
州諸軍事進號中軍將軍開府儀同三司遷司徒齊受禪解司徒
降封隆安縣侯食邑千五百戶謀反賜死

始安王休仁文帝第十二子也元嘉二十九年年十歲立爲建安
王食邑三千戶孝建三年爲祕書監領步兵校尉尋都督南兗徐
二州諸軍事冠軍將軍南兗州刺史大明元年入爲侍中領右軍
將軍四年出爲湘州刺史加散騎常侍加號平南將軍八年遷使
持節督江州南豫州之晉熙新蔡郢州之西陽三郡諸軍事安南
將軍江州刺史未拜徙爲散騎常侍太常又不拜仍爲護軍將軍

常侍如故前廢帝永光元年遷領軍將軍常侍如故景和元年又遷使持節都督雍梁南北秦四州諸軍事安西將軍寧蠻校尉雍州刺史未之任留散騎常侍護軍將軍又加特進左光祿大夫給鼓吹一部時廢帝狂悖無道誅害羣公忌憚諸父並囚之殿內毆捶凌曳無復人理休仁及太宗山陽王休祐形體並肥壯帝乃以竹籠盛而稱之以太宗尤肥號爲猪王號休仁爲殺王休祐爲賊王以三王年長尤所畏憚故常錄以自近不離左右東海王禕凡劣號爲驢王桂陽王休範巴陵王休若年少故並得從容嘗以木槽盛飯內諸雜食攪令和合掘地爲坑穿實之以泥水保太宗內坑中和槽食置前令太宗以口就槽中食用之爲歡笑欲害太宗及休仁休祐前後以十數休仁多計數每以笑調佞諛悅之故得推遷常於休仁前使左右淫逼休仁所生楊太妃左右並不得已順

命以至右衛將軍劉道隆道隆歡以奉旨盡諸醜狀時廷尉劉暉妾孕臨月迎入後宮冀其生男欲立爲太子太宗嘗忤旨帝怒乃保之縛其手脚以杖貫手脚內使人檐付太官曰即日屠猪休仁笑謂帝曰猪今日未應死帝問其故休仁曰待皇太子生殺猪取其肝肺帝意乃解曰且付廷尉一宿出之帝將南遊荆湘二州明日欲殺諸父便發其夕太宗克定禍難殞帝於華林園休仁即日推崇太宗便執臣禮明日休仁出任東府時南平廬陵敬先兄弟爲廢帝所害猶未殞殮休仁休祐同載臨之開帷歡笑奏鼓吹徃反時人咸非焉先是廢帝進休仁爲驃騎大將軍開府儀同三司常侍如故未拜太宗令書以爲使持節侍中都督揚南徐二州諸軍事司徒尚書令揚州刺史加班劔二十人給三望十五乘時劉道隆爲護軍休仁請求解職曰臣不得與此人同朝上乃賜道隆

死尋諸方逆命休仁都督征討諸軍事增班劔三十人出據虎檻
進據赭圻尋領太子太傅總統諸軍隨宜應接中流平定休仁之
力也初行與蘇侯神結爲兄弟以求神助及事平太宗與休仁書
曰此段殊得蘇侯兄弟力增休仁邑四千戶固辭乃受千戶上流
雖平薛安都據彭城招引索虜復都督北討諸軍事又增三千戶
不受時豫州刺史殷琰據壽陽未平晉平王休祐先督征討諸軍
事休祐出領江陵休仁代督西討諸軍事泰始五年進都督豫司
二州休仁年與太宗隣亞俱好文籍素相愛友及廢帝世同經危
難太宗又資其權譎之力泰始初方逆命兵至近畿休仁親當
矢石大勲克建任總百揆親寄甚隆朝野四方莫不輻奏上漸不
悅休仁悟其旨其冬表解揚州見許六年進位太尉領司徒固讓
又加漆輪車劔履太宗末年多忌諱猜害甚休仁轉不自安及

殺晉平王休祐憂懼彌切其年上疾篤與楊運長等爲身後之計
慮諸弟彊盛太子幼弱將來不安運長又慮帝晏駕後休仁一旦
居周公之地其輩不得秉權彌贊成之上疾嘗暴甚內外莫不屬
意於休仁主書以下皆徃東府休仁所親信豫自結納其或直不
得出者皆恐懼上旣宿懷此意至是又聞物情向之乃召休仁入
見旣而又謂曰夕可停尚書下省宿明可早來其夜遣人齎藥賜
休仁死時年三十九上寢疾久內外隔絕慮人情有同異自力乘
輦出端門休仁死後乃詔曰夫無將之誅諒惟通典知咎自引寔
有偏介劉休仁地屬密親位居台重朕友寄特深寵秩兼茂不能
弘贊國猷禪宣政道而自處相任妄生猜嫌側納羣小之說內懷
不逞之志晦景蔽迹無事陽愚因近疾患沉篤內外憂悚休仁規
逼禁兵謀爲亂逆朕曲惟天倫未忍明法申詔誥礪辨覈事原休

仁慚恩懼罪遽自引決追尋悲痛情不自勝思屈法科以申矜悼
可宥其二子并全封爵但家國多虞釁起台輔永尋既往感慨追
深有司奏曰臣聞明罰無親情屈於司綱國典有經威申於義滅
是以梁趙之誅跣出稱過來言之罰克入致動謹案劉休仁苞蓄
禍迹事蔽於天明竄匿沉姦情宣於民聽自以屬居戚近早延恩
睦異禮殊義望越常均徃歲授鉞南討本非才命啟行濃湖特以
親攝仰遵廟略俯藉衆效屬承泰運竊附成勲而亟叨天功多自
臧伐既聖明御寓躬覽萬機百司有紀官方無越而休仁矜勲怙
貴自謂應總朝權遂妄生疑難深自猜外故司空晉平刺王休祐
少無令業長滋貪暴莅任陝荆毒流西夏編戶嗟散列邑雕虛聖
澤含弘未明王憲亟與休仁論其愆迹辭意既空不宜傳廣遂飾
容旨反相勸激休祐以休仁位居朝右任遇優崇必能爲已力援

故深相黨結休祐於是輸金薦寶承顏投意造鄰之間必論朝政
遂無日不俱行無時不同宿聲酣聚集密語清閑休仁含姦扇惑
善於計數說休祐使外託專慎之法密行貪詐之心謂朝廷不覺
人莫之悟休祐遂乃外積怨懼內協禍心既得贊激凶慝轉熾與
休仁共爲姦謀潛伺機隙圖造釁變規肆凶狡休仁致殞倉卒寔
維天誅而晉平國太妃妾邢不能追慙子惡上感曲恩更懷不逞
巫蠱呪詛休仁因聖躬不和猥謀姦逆滅道反常莫斯爲甚極肆
朝市庶申國刑而法網未加自引厥命天慈矜厚減法崇恩賜全
二息及其爵封斯誠弘風曠德貫絕通古然非所以棄惡流釁懲
懼亂臣者也臣等參議謂宜追降休仁爲庶人絕其屬籍見息悉
徙遠郡休祐愆謀始露亦宜裁黜徙削之科一同舊準收邢付獄
依法窮治詔曰邢匹婦狂愚不足與計休仁知釁自引情有追傷

可特爲降始安縣王食邑千戶并停伯融等流徙聽襲封爵伯猷
先紹江夏國令還本賜爵鄉侯上旣殺休仁慮人情驚動與諸方
鎮及諸大臣詔曰休仁致殞卿未具悉事之始末今疏以相示休
祐貪恣非政法網之所不容昔漢梁孝王淮南厲王無它釁悖正
以越漢制度耳况休祐吞嚙聚斂爲西數州之蝗取與鄙虐無復
人情屢得王景文褚淵沈攸之等啟陳其罪惡轉不可容吾篤兄
弟之恩不欲致之以法且每恨大明兄弟情薄親見休祐屯苦之
時始得寬寧彌不忍問所以改授徐州冀其去朝廷近必應能自
悛革及拜徐州未及之任便徵動萬端暴濁愈甚旣每爲民蠹不
可復全休仁身粗有知解兼爲宰相又吾與其兄弟情昵特復異
常頗與休仁論休祐釁狀休祐以休仁爲吾所親必應知吾意又
云休仁言對能爲損益遂多與財賂深相結事乃寢必同宿行必

共車休仁性軟易感說遂成繾綣共爲一家是吾所吐密言一時
倒寫吾與休仁少小異常唯虚心信之初不措疑雖爾猶慮清閑
之時非意脫有聞者吾近向休祐推情戒訓嚴切休祐更不復致
疑休祐死後吾將其内外左右問以情狀方知言語漏泄并具之
由彌日懊惋心神萎孰休仁又說休祐曰汝但作佞此法自足安
我常秉許爲家從來頗得此力但試用看有驗不休祐從之於是
大有獻奉言多乖實積惡旣不可恕自休祐殞亡之始休仁款曲
共知休仁旣無辜釁主相本若一體吾之推意初無有間休祐貪
愚爲天下所疾致殞之本爲民除患兄弟無復多人彌應思弔不
咸益相親信休祐平生狠抗無賴吾慮休仁徃哭或生崇禍且吾
爾日本辦仗徃哭晚定不行吾所以爲設方便呼入在省而休仁
得吾召入大自驚疑遂入辭楊太妃顏色狀意甚與常異旣至省

楊太妃驟遣監子去來參察從此日生嫌懼而吾之推情初不疑覺從祿祐死後吾再幸休仁第飲噉極日排闥入內初無猜防休仁坐生嫌畏一日吾春中多期射雉每休仁清閑多往雉場中或敕使陪輦及不行日多不見之每值霄休仁輒語左右云我已復得今日及在房內見諸妓妾恒語我云不知朝夕見底若一旦死去作鬼亦不取汝取汝正足亂人耳休祐死時日已三脯吾射雉始從雉場出休仁從騎在右伏野中吾遣人召之稱云腹痛不堪騎馬爾時諸王車皆停在朱雀門裏日既暝不暇遠呼車吾衣書車近在離門裏敕呼來下油幢絡擬以載之吾由來諳悉其體有冷患聞腹痛知必是冷乃敕太醫上省送供御高粱薑飲以賜之休仁得飲忽大驚告左右稱敗今日了左右答曰此飲是御師名封題休仁乃令左右先飲竟猶不甚信乃僂俛噬之裁進一合

許妄先嫌貳事事如是由來十日五日一就問太妃自休仁死後每吾詔必先至楊太妃問如分別狀休仁由來自營府國興生文書二月中史承祖齋文書呈之忽語承祖云我得成許那何煩將來吾虛心如舊不復見信既懷不安大自嫌恐惟以情理不容復有善心休仁既經南討與宿衛將帥經習狎共事相識者布滿外內常日出入於廂下經過與諸相識將帥都不交言及吾前者積日失適休仁出入殿省諸衛主帥裁相悉者無不和顏厚相撫勞爾時吾既甚惡意不欲見外人悠悠所傳互言差劇休仁規欲聞知方便使曩度道人及勞彥遠屢求啟闕覘吾起居及其所啟皆非急事吾意亦不厝疑吾與休仁親情實異年少以來恒相追隨情向大趣亦徃徃多同難否之日每共契闊休仁南討爲都統既有勲績狀之於心亦何極已但休仁與吾望既不輕小人無知亦

多挾背向既生猜貳不復自寧夫禍難之由皆意所不悟如其意
趣人莫能測事不獲已反覆思惟不得不有近日處分夫於兄弟
之情不能無厚薄休祐之亡雖復悼念猶可以理割遣及休仁之
殞悲愍特深千念不能已已舉言傷心事之細碎既不可曲載詔
文恐物不必即解兼欲存其兒子不欲窮法爲詔之辭不得不云
有兵謀非事實也故相報卿知上與休仁素厚至於相害慮在後
嗣不安休仁既死痛悼甚至謂人曰我與建安年時相隣少便狎
從景和泰始之間勲誠實重事計交切不得不相除痛念之至不
能自己今有一事不如與諸侯共說歡適之方於今盡矣因流涕
不自勝子伯融妃殷氏所生殷氏吳興太守沖女也范陽祖翻有
醫術姿貌又美殷氏有疾翻入視脉說之遂通好事世遣還家賜
死伯融歷南豫州刺史琅邪臨淮二郡太守寧朔將軍廣州刺史

不之職廢徙丹陽縣後廢帝元徽元年還京邑襲封始興王弟伯
猷初出繼江夏愍王伯禽封江夏王邑二千戶休仁死後還本與
伯融俱徙丹陽縣後廢帝元徽元年賜爵都鄉侯建平王景素爲
逆楊暹長等畏忌宗室稱詔賜伯融等死伯融時年十九伯猷年
十一

晉平刺王休祐文帝第十三子也孝建三年年十一封山陽王食
邑二千戶大明元年爲散騎常侍領長水校尉尋遷東揚州刺史
未拜徙湘州刺史加號征虜將軍四年還爲祕書監領右軍將軍
增邑千戶遷侍中又遷左中郎將都官尚書又爲祕書監領驍騎
將軍出爲使持節都督豫司二州南豫州之梁郡諸軍事右將軍
豫州刺史景和元年入朝進號鎮西大將軍仍遷散騎常侍鎮軍
大將軍開府儀同三司太宗定亂以爲使持節都督荆湘雖益梁

寧南北秦八州諸軍事驃騎大將軍荊州刺史開府常侍如故又改都督江郢雖湘五州江州刺史又改都督江南豫司州南豫州刺史改都督豫江司三州豫州刺史時豫州刺史殷琰據壽陽反叛休祐出鎮歷陽督劉勔等討琰琰未平勔築長圍守之休祐復徙都督荆湘雖益梁寧南北秦八州諸軍事荊州刺史持節常侍將軍開府並如故增封二千戶受五百戶以山陽荒敝改封晉平王休祐素無才能強梁自用大明之世年尚少未得自專至是貪淫好財色在荊州哀刻所在多營財貨以短錢一百賦民田登就求白米一斛米粒皆令徹白若有破折者悉刪簡不受民間糴此米一升一百至時又不受米評米責錢凡諸求利皆悉如此百姓嗷然不復堪命泰始六年徵爲都督南徐南兗徐兗青冀六州諸軍事南徐州刺史加侍中持節將軍如故上以休祐貪虐不可蒞

民留之京邑遣上佐行府州事休祐狼戾強梁前後忤上非一在荊州時左右苑景達善彈碁上召之休祐留不遣上怒詰責之曰汝剛戾如此豈爲下之義積不能平且慮休祐將來難制欲方便除之七年二月車駕於巖山射雉有一雉不肯入場日暮將反令休祐射之語云不得雉勿歸休祐時從在黃麾內左右從者並在部伍後休祐便馳去上遣左右數人隨之上旣還前驅清道休祐人從悉分散不復相得上因遣壽寂之等諸將追之日已欲闔與休祐相及逼令墜馬休祐素勇壯有氣力奮拳左右排擊莫得近有一人後引陰因頓地卽共毆拉殺之乃遣人馳白上行唱驃騎落馬上曰驃騎體大落馬殊不易卽遣御醫絡驛相係頃之休祐左右人至久已絕去車脚輿以還第時年二十七追贈司空持節侍中都督刺史如故給班劔二十人三望車一乘時巴陵王休若

在江陵其日卽馳信報休若曰吾與驃騎南山射雉驃騎馬驚與直閣夏文秀馬相踰文秀墮地驃騎失韉馬驚觸松樹墮地落礪中時頓悶不識人故馳報弟其年五月追免休祐爲庶人長子仕蒼早卒次子宣翊爲世子爲寧朔將軍湘州刺史未拜免廢次士弘繼鄱陽哀王休業襲封被廢還本次宣彥封原豐縣侯爲寧朔將軍彭城太守未拜免廢次宣諒次宣曜出繼南平穆王鏐封被廢還本次宣景次宣梵次宣覺次宣受次宣則次宣直次宣季凡十三子並徙晉平郡太宗尋病見休祐爲崇乃遣前中書舍人劉休至晉平撫慰宣翊等上遂崩後廢帝元徽元年聽宣翊等還都順帝昇明二年謀反並賜死

鄱陽哀王休業文帝第十五子也孝建二年年十一封鄱陽王食邑二千戶三年薨追贈太常大明六年以山陽王休祐次子士弘

嗣封被廢還本國除

臨慶沖王休倩文帝第十六子也孝建元年年九歲疾篤封東平王食邑二千戶未拜薨大明七年立第二十七皇子子嗣爲東平王紹休倩後太宗泰始二年還本國絕六年以第五皇子智丹爲東平王繼休倩未拜薨其年追改休倩爲臨慶王以臨賀郡爲臨慶國立第八皇子躋爲臨慶王食邑二千戶繼休倩後明年還本國休倩太祖所愛故前後屢加紹門嗣
新野懷王夷父文帝第十七子也元嘉二十九年薨時年六歲太宗泰始五年追加封謚

巴陵哀王休若文帝第十九子也孝建三年年九歲封巴陵王食邑二千戶大明二年爲冠軍將軍南琅邪臨淮二郡太守徙南彭城下邳二郡太守將軍如故四年出爲都督徐州諸軍事刺史將

軍如故增督豫州之梁郡增邑千戶明年徵爲散騎常侍左右郎將吳興太守復徵爲散騎常侍太常未拜前廢帝永光元年遷左衛將軍太宗泰始元年遷散騎常侍中書令領衛尉未拜復爲左衛將軍常侍衛尉如故又未拜出爲使持節都督會稽東陽永嘉臨海新安五郡諸軍事領安東將軍會稽太守率衆東討進督吳吳興晉陵三郡尋加散騎常侍進號衛將軍給鼓吹一部又進督晉安

二郡諸軍事二年遷梁雍南北秦四州荊州之竟陵隨二郡諸軍事寧蠻校尉雍州刺史持節常侍將軍如故增邑二千戶受三百戶前在會稽錄事參軍陳郡謝沈以諂佞事休若多受賄賂時内外戒嚴普著袴褶沈若母喪被起聲樂酣飲不異吉人衣冠旣無殊異並不知沈居喪常自稱孤子衆乃駭愕休若坐與沈褻黷致有姦私降號鎮西將又進衛將軍典籤夏寶期事休若

無禮繫獄啟太宗殺之慮不被許啟未報輒於獄行刑信反果錮送而寶期已死上大怒與休若書曰孝建大明中汝敢行此耶休若母加杖三百降號左將軍貶使持節都督爲監行雖州刺史使寧蠻校尉削封五百戶四年遷使持節都督湘州諸軍事行湘州刺史如故六年荊州刺史晉平王休祐入以休若監荊州事進號征南將軍湘州刺史仍爲都督荆湘雖益梁寧南北秦八州諸軍事征西將軍荊州刺史持節如故尋加散騎常侍又進號征西大將軍開府儀同三司七年晉平王休祐被殺建安王休仁見疑哀邑譌言云有至貴之表太宗以言報之休若内甚憂懼會被徵代休祐爲都督南徐南兗徐兗青冀六州諸軍事征北大將軍南徐州刺史持節常侍開府如故休若腹心將佐咸謂還朝必有大禍中兵參軍京兆王敬先因陳不宜入勸割據荆楚以距朝廷休若

偽許之敬先既出執錄馳使白太宗敬先坐誅死休若至京口建安王休仁又見害益懷危慮上以休若和善能諧緝物情慮將來傾幼主欲遣使殺之慮不奉詔徵入朝又恐猜駭乃偽遷休若爲都督江郢司廣交豫州之西陽新蔡晉熙湘州之始興四郡諸軍事車騎大將軍江州刺史持節常侍開府如故徵還召拜手書殷勤使赴七月七日卽於第賜死時年二十四贈侍中司空持節都督刺史如故給班劍二十人三望車一乘休若既死上與驃騎大將軍桂陽王休範書曰外間有一師姓徐名紹之狀如狂病自云爲塗步郎所使去三月中忽云神語道巴陵王應作天子汝使巴陵王密知之於是師便訪覓休若左右人不能得東宮典書姓何者相識數去來師解神語東宮典書具道神語東宮典書答云我識巴陵間一左右當爲汝向道數日東宮典書復來師云我已爲

汝語巴陵左右道因達巴陵巴陵具知云莫聲但聽又頃者史官奏天文占候頗云休若應挾異端神道茫昧乃不可全信然前後相準略亦不無髮髯且帖肆間自大明以來有若好之謠于今未止詔若百重章句皆配以美辭美事諸不逞之徒咸云必是休若休若且知道路有異音里巷有若好之謠在西已奇懼致王敬先吐猖狂之言近休祐休仁被誅休若彌不自安又左右多是不相當負罪之徒恒說以道路之言叩動之相與唱云萬民之心屬在休若感激其意尋休若從來心迹殊有可嫌劉亮問高次祖汝一應識此人當給休若休若在東縱恣羣下無本末遷朝被貶爵位小退次祖被亮使歸過問訊大泣語次祖云我東行是一段功在郡橫爲羣小輩過失大被貶降我實憤怨不解劉輔國何意不作次祖答云劉輔國蒙朝廷生成之恩豈容有此理推此已是有奇

意吾使諸王在蕃正令優游而已本不以武事而休若在西廣召
弓馬健兒都不啟聞又戾道明等昔親爲賊罪應萬死休若至西
大信遇之乃潛將往不啟京吾知汝意謂休若處奉因事事何如
心迹旣不復可測因其還朝在筵與書事事詰誚於內許密自引
示狀如暴疾致故差得於其名位及見子悉得全也休若旣是汝
弟使其狠心得申者汝得守冶城邊作太尉公邪非但事關計亦
於汝甚切汝可密白荀太妃令知廬江王禕昔在西州故上云冶
城邊也休若子冲始襲封順帝昇明三年薨會齊受禪國除
史臣曰詩云不自我先不自我後古人畏亂世也太宗晚途疑隙
內成尋斧所加先自至戚晉刺以曠暴摧軀巴哀由和良醜體保
身之路未知攸適昔之戒子慎勿爲善將遠有以乎

宋書卷七十二

列傳第三十二終

藝文四庫
氏蘭印

